





唐會要

卷九十至九十五





唐會要卷九十

宋

王

溥

撰

閉糴

開元二年閏二月十八日勅年歲不稔有無須通所在  
州縣不得閉糴各令當處長吏檢校

上元元年九月勅先緣諸道閉糴頻有處分如聞所在  
米粟尚未流通宜令諸節度觀察使各將管內捉搦不  
得輒令閉糴

大歷十一年六月十三日勅自今已後所在一切不得



開糴及隔絕權稅

貞元九年正月詔諸州府不得輒有開糴

太和三年九月勅河南河北諸道頻年水旱

農耕多廢粒食未豐比令使臣分路賑恤冀其有濟得  
接秋成今諸道穀尙未減賤而徐泗管內又遭水潦如  
聞江淮諸郡所在豐稔困於甚賤不但傷農州縣長吏  
苟思自便潛設條約不令出界雖無明榜以避詔條而  
商旅不通米價懸異致令水旱之處種植無資宜令御  
史臺揀擇御史一人於河南巡察但每道每州界首物

價不等米商不行卽是潛有約勒不必更待文榜爲驗  
便具事狀及本界刺史縣令觀察判官名銜聞奏河南  
通商之後淮南諸郡米價漸起展轉漣接之處直至江  
西湖南荆襄以東並須約勒依此舉勘聞奏仍各委觀  
察使審詳前後勅條與御史相知切加訪察不得稍有  
容隱

咸通七年十月二十三日御中臺奏今後如有所在聞  
閉糴者長吏必加貶降本判官錄事叅軍並停見任書  
下考仍勒州縣各以版榜寫錄此條懸示百姓每道委



唐會要 卷之 二  
觀察判官每州委錄事叅軍勾當逐月具申閉糴事由申臺從之

### 和糴

證聖元年三月二十一日勅州縣軍司府官等不得輒取和糴物亦不得遣人替名代取

興元元年閏十月詔江淮之間連歲豐稔迫於供賦頗亦傷農收其有餘濟彼不足宜令度支於淮南浙江東西道加價和糴三五十萬石差官般運於諸處減價出糴貴從權便以利於民

貞元二年九月度支奏京兆河南河中同華陝虢首絳鄜坊丹延等州府夏秋兩稅青苗等錢物悉折糴粟麥所在儲積以備軍食京兆府兼給錢收糴每斗於時估外更加錢納於太倉詔可之

其年十一月度支奏請於京兆府折明年夏稅錢二十二萬四千貫文又請度支給錢添成四十萬貫令京兆府今年內收糴粟麥五十萬石以備軍倉詔從之

四年八月詔京兆府於時價外加估和糴差清強官先給價直然後貯納續令所司自般運載至太倉并差御



史分路訪察有違勅文令長以下當重科貶先是京畿和糴多被抑配或物估踰於時價或先歛而後給直追集停擁百姓苦之及聞是詔莫不歡忻樂輸焉

元和七年七月戶部侍郎判度支盧坦奏今冬諸州和糴貯粟澤潞四十萬石鄭滑易定各一十五萬石夏州八萬石河陽一十萬石太原二十萬石以今秋豐稔必資蓄備其澤潞易定鄭滑河陽委本道差判官和糴各於時價每斗加十文所冀民知勸農國有常備從之長慶元年二月勅春農方興種植是切其京北京西和

糴使宜勒停先是度支以邊儲無備請置和糴使經年無効徒擾邊民故罷之

四年八月詔於關內及關外折糴和糴粟一百五十萬石用備飢歉其和糴價以戶部錢充收貯尋常不得支用

寶曆元年八月勅以兩京河西大稔委度支和糴二百萬斛以備災沴

大中六年五月勅自收關隴便討黨項邊境生民皆失活業連屬艱食遂不寧居兼軍儲未得殷豐切在多方



唐書卷之四十一  
四十一  
贍助今年京畿及西北邊稍似時熟卽京畿人家競搬運斛斗入城收爲蓄積致使邊塞粟麥依前踴貴兼省司和糴亦頗艱難其弊至深須有釐革其京西北今年夏秋斛斗一切禁斷不得令入京畿兩界

其年六月勅近斷京兆斛斗入京如聞百姓多端以麥造麪入城貨易所費亦多切宜所在嚴加覺察不得容許

### 食實封數

舊例凡有功之臣賜實封者皆以課戶先準戶數州縣

與國官邑官執帳供其租調各準配租調遠近州縣官司收其脚直然後付國邑官司其下亦準此入國邑者收其庸

安國相王太平公主各一萬戶神龍元年十一月六日勅安樂公主四千戶長寧公主三千五百戶神龍元年十二月二日勅

衛王溫王各二千五百戶同上月勅

寧王憲薛王業慶王潭忠王亨棣王洽鄂王清各二千戶開元二十一年四月一日勅



榮王琬已下各三千戶開元二十三年七月二十三日  
勅

楚王豫一千戶至德二載十二月十五日勅

雍王适二千戶寶應二年七月十一日勅

郭子儀二千戶大曆十四年閏五月十五日勅

渾瑊一千八百戶

檢年月未獲

裴寂一千五百戶貞觀二十三年九月八日勅

荆王元景二千五百戶武德九年十月八日勅

武三思一千五百戶神龍元年正月五日勅

李光弼一千五百戶廣德二年七月十一日勅

僕固懷恩一千五百戶同上月日勅

長孫無忌王君廓尉遲敬德房元齡杜如晦各一千三百戶並武德九年十月八日勅至永徽元年十一月二十八日詔房元齡所封不須依例減降

新都宜城定安公主各一千三百戶並神龍元年十月

三日勅

長孫順德柴紹羅藝趙郡王孝恭各一千二百戶同上  
勅



王武俊一千二百戶檢勅未獲

劉宏基一千一百戶顯慶元年勅

李勣一千一百戶總章元年十二月勅

韓遊瓌一千一百戶檢勅未獲

侯君集張公謹劉師立各一千戶武德九年十月八日

勅

武士護一千戶顯慶四年七月勅

武攸暨一千戶神龍元年正月十八日勅

宣城公主一千戶神龍元年十二月二日勅

薛崇簡一千戶唐隆元年六月二十五日勅

邠王守禮一千戶唐隆元年七月四日勅

永穆公主一千戶開元十年勅

樂安王瑗一千戶開元二十四年七月十四日勅

高都公主已上各一千戶開元二十五年四月二十七

日勅

魚朝恩一千戶大曆五年三月勅

田承嗣一千戶大曆八年二月三日勅

高士廉九百戶段志元九百戶貞觀元年勅



魏徵九百戶貞觀十七年正月勅

李晟李元諫各九百戶

檢勅未獲

李湛八百戶神龍元年正月十八日勅

李輔國八百戶寶應元年三月三日勅

宇文士及秦叔寶程知節各七百戶武德九年十月八

日勅

李多祚敬暉桓彥範張柬之崔元暉並七百戶神龍元

年十二月二日勅

姜皎七百戶先天二年七月十八日勅

劉幽求七百戶先天二年八月十一日勅

馬燧七百戶唐朝臣五百五十戶

檢勅未獲

安興貴安修仁唐儉竇軌屈突通蕭瑀封德彝劉義節

各六百戶武德九年十月八日勅

溫嘉順六百戶

檢勅未獲

魏元忠五百五十戶神龍元年十二月二日勅

李靖五百戶貞觀四年八月朔永徽二年十月九日詔

李靖所食封不須減

段秀實五百戶李抱真五百戶興元二年二月勅



唐會要 卷之... 陳仙奇五百戶貞元二年四月勅以殺李希烈功也

李愬五百戶元和十二年十一月勅

劉悟五百戶元和十四年二月勅以殺李師道功也

田宏正三百戶張子良田少卿李奉仙各一百五十戶

元和二年十一月勅以擒李錡功也

史奉敬五十戶長慶元年二月勅以破吐蕃功也

緣封雜記

貞觀二十三年九月八日勅諸王並宜食一千戶封霍

王元軌常使國令徵封令自請依諸國賦貿易取利元

軌曰汝為國令當正吾失反說吾以利耶

神龍二年七月十四日制功臣段志元屈突通蕭瑀李

靖秦叔寶長孫順德劉宏基宇文士及錢九隴程知節

龐卿惲竇淙苑君璋李子和張平高張公謹梁恪仁安

修仁秦行師獨孤卿雲蘇定方李安遠鄭仁泰杜君綽

李孟嘗等二十五家所食實封並依舊給

其年十一月一日勅皇太子在藩府日所食衛府封物

每年便納東宮給事中盧燦駿奏曰伏以皇太子處繼

明之重當主鬯之尊歲時限用自可有司供擬又據周



禮諸司應財器歲終則會唯王及太子不會此則儲蓄之費咸與王同今與列國諸侯齊衡食封豈所謂憲章古昔垂法將來者也上納其言十一月五日勅停

景龍二年九月勅諸色應食實封一定已後不得輒有移改三年勅應食封邑者一百四十餘家應出封戶凡五十四州皆天下膏腴物產其安樂太平公主封又取富戶不在損免限百姓著封戶者甚於征行十一月河南巡院監察御史宋務光上疏曰臣聞分珪列土各有方位通邑大都不以封錫前猷未遠古義亦深自頃命

侯稍殊舊式莫居境瘠專擇雄奧徐州貢土方色已乖履邱辭封讓德不嗣且滑州者國之近甸密邇帝畿地出縑紈人多趨附所以列縣惟七分封有五王賦少于侯租入家倍於輸國求諸既往實所未聞每科封丁有甚征藝因而失業莫返其居此土風俗逃者舊少頃日波散良緣封多伏願稍減封戶散配餘州下息疲甿上尊古制則公侯不失于采地流民得還於故鄉諸州封戶亦望準此又徵封使者往來相繼旣勞傳驛甚擾公私請附租庸每年送納望停封使以靜下人仍編入新



格庶爲永例又聞五等崇榮百王盛典自非邢茅懿戚  
寇鄧鴻勳無以誓彼山河酌其爵土近者封建頗緣恩  
澤功無橫草人已分茅遂使沃壤名藩多入侯國邑收  
家稅半於天府經費不足蓋亦有由竊見武德之初建  
侯故事於時天室新定王業開創佐命如雲謀臣如雨  
然而封者不過十數人今禮樂承平邦家繼世有象賢  
舊德之裔無野戰攻城之勤至於命封不合全廣論功  
謝於前業食邑多於往時旣減邊儲實虧國用伏惟酌  
宗周之前訓咨武德之舊章地匪宗盟勲殊社稷不宜

加於實邑自可寵以虛名如此則庶績其凝彝倫攸叙  
臣忝當廉問備採風謠見此不安豈敢自默知必被封  
家所疾頓嘗以報國爲心乞擇愚言訪諸朝宰秋毫有  
益夕死無憂兵部尚書韋嗣立上疏曰臣竊見食封之  
家其數甚衆昨聞戶部云用六十餘萬丁一丁兩疋計  
一百二十萬疋已上臣頃在太府知每年庸調絹數多  
不過百萬少則七八十萬以來比諸封家所入全少臣  
聞自古封茅土列山河皆須業著經綸功申草昧然後  
配宗廟之享承帶礪之恩往者皇運之初功臣共定天



唐會要 卷之四  
下當食封纔祇三二十家今以恩澤受封至百十四家  
已上國家租賦大半私門私門費用有餘國家支計不  
足有餘則或致奢僭不足則坐致憂危制國之方豈謂  
爲得封戶之物諸家是徵或是官興或是奴僕多挾勢  
騁威凌蔑州縣凡是封戶不勝侵漁若戶不滿丁物送  
太府封家但於右藏請受不得輒自徵催則必免侵漁  
人冀蘇息

唐隆元年六月十三日勅安國相王鎮國太平公主宜  
各食一州全封其州公主自簡

太極元年正月制皇太子妃王氏預聞秘策潛圖義舉  
父仁皎食實封三百戶

開元三年五月勅封家總合送入京其中有別勅許人  
就領者待州徵足然後一時分付徵未足聞封家人不  
得輒到出封州亦不得因有舉放違者禁身聞奏

四年三月十八日宰臣奏對諸國請自始封至曾孫者  
其封戶三分減一制可之

十年十一月勅中書門下宜共食實封三百戶自我禮  
賢爲百世法其年加永穆公主封一千戶初永穆等各



唐會要 卷之四  
分五百戶左右以爲太薄上曰百姓租賦者非吾有也  
斯皆宗廟社稷蒼生是爲爾邊隅戰士出萬死不顧一  
生所賞賜纔不過一二十疋此輩何功於人頓食厚封  
約之使知儉嗇不亦可乎左右以長公主皆二千戶請  
與比上曰吾嘗讀後漢書見明帝曰朕子不敢望先帝  
車服皆下之未嘗不廢卷歎息汝奈何欲令此輩望長  
公主乎左右不敢復言至是公主等車服始不給故加  
焉自後公主皆封一千戶遂成其例至乾元元年三月  
一日諸公主宜各給五百戶郡主縣主據元賜戶數三

分各給二分並以宣越明衢婺等州給

十一年五月十日勅請諸食實封並以丁爲限不須一  
分入官其物仍令出封州隨庸調送入京其脚以租脚  
錢充並於太府寺納然後準給封家

其年九月十二日勅親王公主等封物宜隨官庸調隨  
駕所在送至京都賜坊令封家就坊請受餘食封家不  
在此限仍令御史一人及太府寺官檢校分付使給了  
牒

二十二年九月勅諸王公以下食封薨子孫應承襲者



除喪後十分減二仍具所食戶數奏聞無後者百日後除諸名山大川及畿內縣並不封

天寶六載三月六日戶部奏諸道請食封人準長行旨三百戶以下戶部給符就州請受三百戶已上附庸使送兩京太府寺賜坊給付者今緣就州請受有損於人今三百戶以下尚許彼請公私之間未免侵擾望一切送至兩京就此給付卽公私省便侵損無由又準戶部式節文諸食封人身歿已後所得封物隨其男數爲分承嫡者加一分至元孫卽不在分限其封總入承嫡房

一依上法爲分者若如此則元孫諸物比于嫡男計數之間多校數倍舉輕明重理實未通望請至元孫以下準元孫直下一房許依合式餘並請停唯享祭一分百世不易自然爭競永息勲庸無替

永泰二年正月十六日勅自今已後子孫襲實封宜減半永爲常式至三月十八日勅應請封家三分給二分待兵革稍寧卽當全給

大歷十一年九月二十四日勅諸公主封物公主薨後三年不須停



興元元年正月勅諸軍諸道諸使應付奉天及進收京城將士等或白戰摧敵或萬里勤王扞國全城驅除大憝濟危難者其節著復社稷者其業榮我圖爾功特加彝典錫名酌賦永世無窮宜並賜名奉天定難功臣其有食實封者子孫相繼世世不絕

貞元二年五月故尚父汾陽王子儀實封二千戶宜準式減半餘以分襲賧可襲代國公通前襲三百戶晞可襲二百五十戶曙可襲二百五十戶暎可襲二百二十五戶

七年三月戶部奏伏以周漢故事有功卽加地有罪卽奪國旣明賞罰方申沮勸其犯除名以上罪有實封準法合除此來因循兼不申舉自今以後應實封人或人緣罪犯其尚書省及本軍本使本員奏狀請令並標實封戶數本配州名同奏勅下戶部以爲憑據其犯徒罪三分望奪一分流罪奪一半除名以上罪卽準法悉除並以本犯條論不在減贖之限其奉特勅貶謫驗制詞內所犯無正條者伏請準流罪奪一半勅旨依奏其年十一月勅諸公主每年各給封物七百端疋屯依



舊例春秋兩限支給諸郡主每季各賜錢一百貫文縣主每季各賜錢七十貫文

八年八月戶部奏準貞元七年三月二十日勅節文比來食實封人多不依令式皆身歿之後子孫自申請傳襲伏請自今以後并今日以前應食實封人并一年內準式具合襲子孫官品年名并母氏嫡庶於本貫陳牒如無本貫卽於食封人本任本使申牒如合襲人有罪疾及身死者亦限一周年內申牒請立以次合襲人仍具家口陳牒請附籍帳本貫勘責當家及親近如實是

嫡長卽與責保準式附貫然後申省到後卽取文武職事三品正員一人充保勅旨宜依

二十一年七月六日勅應食實封其節度使宜令百戶給八百端疋若是絹兼給綿六百兩伏以食封本因賞功封之多少視功之厚薄不以官位散要別置等差其節度使兼宰相準貞元二十年以前舊例處分從之

元和五年六月戶部侍郎判度支李夷簡奏應給食實封官自貞元十三年以後節度使宰相每百戶給八百端疋若是絹更給綿六百兩節度使不兼宰相每百戶



給四百端正軍使及金吾諸衛將軍大將軍每百戶給三百五十端正

內外官祿

武德元年十二月因隋制文武官給祿正一品七百石從一品六百石正二品五百石從二品四百六十石正三品四百石從三品三百六十石正四品三百石從四品二百六十石正五品二百石從五品一百六十石正六品一百石從六品九十石正七品八十石從七品七十石正八品六十石從八品五十石正九品四十石從

九品三十石並每年給

貞觀二年二月二十日詔官人得上考給一季祿至三年正月十一日官得上下考亦給其年六月詔官人出使皆廩其妻子至十二月詔外官新任多有匱乏準品計日給糧

八年中書舍人高季輔上表曰仕以應務亦以代耕外官卑品猶未得祿既離鄉井埋必貧煎但妻子之戀賢知猶累其懷飢寒之切夷惠罕全其行為政之道期于易從若不恤其匱乏唯欲勵其清儉凡在末品中庸者



多正恐巡察歲出輜軒繼軌不能肅其侵漁何以求其政術今戶口漸殷廩食已實斟酌量給祿使得養親然後督以嚴科責其報効則庶官畢力物議斯允  
永徽元年八月詔文武五品以上解官充待者宜準致仕人例給半祿

光宅元年十月二十日勅諸內外官祿料賜會二事已上皆據上日給新授官未上所司及承勅使差充使者祿料并考第一事已上並不在與限如別勅應差使者京官以勅出日外官以勅符到日爲上日若新授外仍

直諸司者上日同京官卽舊人應替先別勅定名充使未迴兩應給而無正課料者以當處官料充職田據新人上日爲斷不別給舊人因使應別給者經一季雖未了不在給限其制勅授官雖勅符先到未上者舊人無犯不在停限

天寶二年十一月十六日勅京官兼太守等官俸料兩給者宜停其外官太守兼京官除準式親王帶京官外任官副大將軍副使知軍及正事京官兼內外官知政事據文合兼給者餘並從一處給任逐穩便



十四載八月勅在京文武九品已上正員官既親於職務可謂勤心自今已後每月給俸食雜用防閑庶僕等宜十分爲率加二分其同正員官加一分仍永爲常式至德二載四月勅天下郡府及縣官祿白直品子等課從今年正月一日已後並量給一半事平之後當續支還

貞元七年十二月勅郡主壻授檢校四品京官戶部每月給料錢三十貫文度支給祿粟一百二十石縣主壻檢校五品京官戶部每月給料錢一十貫文度支給祿

米一百石

大中三年九月勅秦州刺史祿粟每月給五十一石原州威州刺史祿粟每月各給四十一石



唐會要卷九十一

宋

王

溥

撰

內外官料錢上

武德已後國家倉庫猶虛應京官料錢並給公廨本令當司令史番官迴易給利計官員多少分給

貞觀十二年二月諫議大夫褚遂良上疏曰爲政之本在于擇人不正其源遂差千里漢家以明經拜職或四科辟召必擇器任使量才命官然則市井子孫不居官吏大唐制令憲章古昔商賈之人亦不居官位陛下近



許諸司令史捉公廨本錢諸司取此色人號爲捉錢令  
史不簡性識寧論書藝但令身能估販家足貲財錄牒  
吏部使卽依補大率人捉五十貫已下四十貫已上任  
居市肆恣其販易每月納利四千一年凡輸五萬送利  
不違年滿受職然有國家者嘗笑漢代賣官今開此路  
頗類於彼在京七十餘司大率司引九人更一二載後  
年別卽有六百餘人輸利受職伏惟陛下治致昇平任  
賢爲政或文學高第或諸州進士皆策同片玉經若懸  
河奉先聖之格言慕昔賢之廉恥拔十取五量能授官

然犯禁違公輒罹刑法况乎捉錢令史上於估販志意  
分毫之末耳目塵肆之間輸錢於官以獲品秩荏苒年  
歲陛下能不使用之乎此人習以性成慣於求利苟得  
無恥莫蹈廉隅使其居職從何而可將來之弊宜絕本  
源臣每周遊人間爲國視聽京司察庶爰及外官異口  
同詞皆言不便伏願勅朝臣遣其詳議上納之其月二  
十三日勅並停改置胥士七千人以諸州上戶充隄防  
閣例輸課二年一替計官員多少分給之

二十一年二月七日令在京諸司依舊置公廨給錢充



本置令史府史胥士等迴易取利以充官人俸

永徽元年四月二日廢京官諸司提錢庶僕胥士其官人俸料以諸州租脚價充

麟德二年八月十九日詔文武五品已上同武職班給仗身以掌開幕士充之咸亨元年四月十一日停給

乾封元年八月十二日詔京文武官應給防閑庶僕俸料始依職事品其課及賜各依本品

儀鳳三年八月二日詔廩食爲費同資於上農歲俸所頒並課於編戶因地出賦則沃瘠未均據丁收物則勞

逸不等俾之富教其可得乎永念于斯載懷釐創如文武內外官應給俸料課錢及公廨料度封戶租調等遠近不均貴賤有異輸納簡選事甚艱難運送脚錢損費實廣公廨出舉迴易典吏因此侵漁撫字之方豈合如此宜令王公已下百姓已上率口出錢以充防閑庶僕胥士白直折衝府仗身並封戶內官人俸食等料既依戶次貧富有殊載詳職務繁簡不類率錢給用須有等差宜具條例並各逐便

光宅元年九月以京官八品九品俸料薄諸八品每年



給庶僕三人九品二人

長壽三年三月豆盧欽望請輟京官九品以上兩月俸物以助軍左拾遺王永禮奏曰陛下富有四海足以儲畜車國之用何藉貧京官九品俸而令欽望欺奪之臣切不取欽望執曰秦漢皆有稅算以贍軍永禮不識大體妄有爭議永禮曰秦皇漢武稅天下使空虛以事邊奈何使聖朝倣習也不知欽望此言是識大體耶遂寢不行

開元六年七月秘書少監崔沔議州縣官月料錢狀曰

養賢之祿國用尤先取之齊民未爲剝下何用立本息利法商求資皇運之初務革其弊託本取利以繩富家固乃一切權宜諒非經通彝典頃以州縣典吏并捉官錢收利數多破產者衆散諸編戶本少利輕民用不休時以爲便付本收利患及於民然則議國事者亦當憂人爲謀恤下立計天下州縣積數旣多大抵皆然爲害不少且五千之本七分生利一年所輸四千二百兼算勞費不啻五千在於平民已爲重賦富戶旣免其徭貧戶則受其弊傷民刻下俱在其中未若大率羣官通計



衆戶據官定料均戶出資常年發賦之時每丁量加升尺以近及遠損有兼無合而籌之所增蓋少時則不擾簡而易從庶乎流亡漸歸倉庫稍實則當咸出正賦罷所新加天下坦然十一而稅上下各足其不遠乎

十年正月二十一日令有司收天下公廨錢其官人料以萬戶稅錢充每月準舊分利數給至二十二日勅王公以下視品官叅佐及京官五品已上每月別給仗身職員錢悉停

十六年十一月十五日勅文武百官俸料錢所給物宜

依時價給

十八年九月四日御史大夫李朝隱奏請籍民一年稅錢充本依舊令高戶典正等捉隨月收利供官人料錢二十二年四月十四日勅京官兼外州都督刺史大都督府長史俸料並宜兩給至天寶二年十一月十六日勅京官兼太守等官俸料兩給者宜停其外官太守兼京官準式親王帶京官任外官副大將軍副大使知軍及知使事京官兼外官知使事據文合兼給者仍任逐穩便餘並從一處給



二十四年六月二十三日勅百官料錢宜合爲一色都  
以月俸爲名各據本官隨月給付其貯粟宜令入祿數  
同申應合減折及申請時限並依常式

一品三十一千月俸八千食料一千八百防閣二十千  
雜用一千二百文

二品二十四千月俸六千食料一千五百防閣十五千  
雜用一千文

三品十七千月俸五千食料一千一百防閣十千雜用  
九百文

四品一十一千八百六十七文月俸四千五百食料七  
百防閣六千六百文雜用六百文

五品九千二百月俸三千食料六百防閣五千雜用五  
百文

六品五千三百月俸二千三百食料四百庶僕二千二  
百雜用四百文

七品四千五百月俸一千七百五十食料三百五十庶  
僕一千六百雜用三百五十文

八品二千四百七十五文月俸一千三百食料三百庶



僕六白二十五文雜用二百五十文

九品一千九百一十七文月俸一千五十文食料二百五十庶僕四百一十七文雜用二百文

天寶三載十三日勅郡縣闕職錢送納大府寺自今已後納當郡充員外官料錢不足卽取正官料錢分若無員外官當部分

五載三月二十日勅郡縣官人及公廨白直天下約計一載破十萬丁已上一丁每月輸錢二百八文每至月初當處徵納送縣來往數日功程在於百姓尤其是重役

其郡縣白直計數多少請用料錢加稅充用其憲差丁充白直望請並停一免百姓艱辛二省國家丁壯

十四載八月四日詔文武九品以上官員旣親職務可謂勤心自今已後每月給俸食料雜用防閣庶僕等宜十分半加二分其同正員官加一分仍永爲常式至德二年已後內外官並不給料錢郡府縣官給半祿

乾元元年外官給半料與職田京官不給料仍勅度支使量閑劇分給手力課員外官一切無料至二年九月五日詔京官無俸料桂玉之費將何以堪宜取絳州新



錢給冬季料即仰所由申請計會支給且艱難之際國家是同頃者急在軍戎所以久虧祿俸眷言憂恤常愧於懷今甫及授衣畧為賙給庶資時要宜悉朕懷

大曆十二年四月二十八日度支奏加給京百司文武

官及京兆府縣官每月料錢等具件如後

太師太傅太保太尉司徒司空侍中中書令每月各一百二十貫

文 中書門下侍郎各一百貫文 東宮三太左右僕射各八十貫文

東宮三少各七十貫文 六尚書御史大夫太常卿各六十貫文 常

侍宗正卿太子詹事國子祭酒各五十貫文 左右丞及諸司

侍郎給事中中書舍人御史中丞太子賓客殿中監祕

書監司農等卿將作等監各四十貫文 太子左右庶子太常

少卿各四十貫文 諫議諸司少府少監各三十貫文 國子司業內

侍東宮三卿各三十貫文 郎中侍御史司天監少詹事諸王

傅國子博士諭德中允中舍殿中祕書太常宗正丞各二十貫文

殿中侍御史著作郎大理正都水使者總監內常

侍給事中各二十貫文 員外郎通事起居舍人王府長史各十貫文

八貫 監察御史臺主簿補闕王府司馬司天少監太子

典內太常博士主簿宗正主簿門下錄事中書主簿各十貫文



五貫拾遺司議太子文學祕書著作佐郎國子太學四

門廣文等博士大理司直詹事府丞及諸寺監丞謁者

監中書門下主事各十一貫文洗馬贊善諸寺監主簿詹事

府司直各十貫文評事各八貫文諸校正各六貫文諸奉御九成宮總

監諸王諮議及諸陵令各九貫文城門符寶國子助教六

局郎王府掾屬太常侍醫文學錄事參軍主簿記室諸

衛及六軍長史兩市令諸副總監武庫署令太公廟令

各五貫文太子通事舍人東宮寺丞太學廣文助教內坊

丞諸直長內寺伯千牛衛及諸率府長史諸陵丞諸陵

署諸王府判司司竹溫泉監尚書都事都水及諸總監

丞司天臺丞太子侍醫諸司止局署令及王府國令苑

四面副監公主邑司令各四貫文國子四門助教律

醫學博士協律郎內謁者諸衛六軍左右衛率府等衛

佐諸王府參軍大農都省兵吏禮考功主事春坊錄事

司竹副監諸司中局署令都水主簿諸司上局署丞及

監廟邑司丞司天臺靈臺郎保章挈壺正太醫署針醫

監尚藥局司醫各四千五百文太祝奉禮省中諸行主事門

下典儀御史臺殿中秘書內侍省春坊詹事府主事諸



寺監諸衛六軍諸司錄事諸司中局署丞及大理獄丞  
 諸司府監錄事諸率府錄事殿中省醫佐食醫奉養司  
 庫司廩奉乘鴻臚寺掌客司儀太僕寺主乘內坊典直  
 司天臺司辰司厯監候內侍省宮教博士東宮三寺主  
 簿太常太樂鼓吹丞醫正按摩咒禁卜筮博士及針醫  
 卜助教國子書算博士及助教諸王府國子丞尉諸總  
 監主簿各一千九百一十七文武官左右金吾衛大將軍各四十貫文  
 六軍大將軍左右金吾將軍各四十貫文諸衛大將軍六軍  
 將軍各三十貫文諸衛將軍各二十貫文諸衛及六軍中郎諸率

府率副率各一千一百六十五文諸衛及六軍郎將諸王府典  
 軍副典軍各九千二百文諸衛及六軍司陞千牛及左右備身  
 各五千諸衛及六軍中候太子千牛各四千一百諸衛  
 三百文諸衛及六軍中候太子千牛各四千一百諸衛  
 及六軍司戈太子備身各二千四百文諸衛及六軍執戟  
 及長上各一千九百一十七文京兆及諸府尹各八十貫文少尹兩縣  
 令各五十貫文奉先昭應醴泉等縣令司錄各四十貫文畿令各  
 十貫判司兩縣丞各三十兩縣簿尉奉先等縣丞各三十貫  
 文奉先等主簿尉諸畿令各二十畿簿尉各二十參軍  
 文學博士錄事各一十貫文應給白司正員文武官月料錢



外官員准式例合支給料錢如後

檢校官同中書門下平章事每月一百一十貫文准大

校官同中書門下平章事殿中省進馬准開元十七年

並同正官例就一高處給僕寺進馬與殿中內侍省每月

置每人准一月料錢度支奏歲約加一十五萬六千貫文

一千九百一十七文准舊給都當二十六萬貫文以來伏望准數起六月一

日給付勅旨依仍令所司起五月一日支給至六月七

日戶部侍郎判度支韓滉奏准今年四月二十八日恩

勅加給京文武官九品已上正員官月俸其同中書門

下平章事不帶正官勅內無額應檢校官同中書門下

平章事並請同正官例就一高處給勅旨依至建中三

年閏正月四日中書門下奏文武百官每月料錢一百

貫以上者三分減一八十貫已上者五分減一六十貫

已上者七分減一四十貫已上者十分減一三十貫以

下者不減待兵革寧後豐年無事即准常式處分仍舊

給

其年五月中書門下奏得蘇州刺史兼御史大夫知臺

事李涵東都河南江淮山南等道轉運使吏部尚書兼



御史大夫劉晏戶部侍郎專判度支韓滉等狀釐革諸

道觀察使團練使及判官料錢觀察使令兼使不在加給限每月

除刺史正俸料外每使每月請給一百貫文雜給准時

價不得過五十貫文都團練副使每月料錢八十貫文

雜給准時價不得過三十貫文觀察判官與都團練判官同每

月料錢五十貫文支使每月料錢四十貫文推官每月

料錢三十貫文巡官准觀察推官例已上每員每月雜

給准時估不得過二十貫文如州縣見在官充者月料

雜給減半刺史知軍事每人除正俸外請給七十貫文

如帶別使不在加限雜給准時估不得過三十貫文州

縣給料其大都督府長史准七府尹例左刺史八十貫

文別駕五十五貫文長史司馬各五十貫錄事參軍四

十貫判司三十貫參軍博士各一十五貫錄事市令等

各一十三貫縣令四十貫丞三十貫簿尉各二十貫右

謹具條件如前其舊准令月俸雜料紙筆執衣白直但

納資課等色并在此數內其七府准四月二十八日勅

文不該者並請依京兆府例處分其中州中縣已下三

分減一分其額內釐務比正官減半其州縣官除差充



推官巡官及司馬掌軍事外如更別帶職亦不在加給  
限勅旨宜依前  
十四年正月宰臣常袞與楊綰同掌樞務道不同先是  
百官俸料寡薄綰與袞奏請加之時滉判度支袞與滉  
各騁私懷所加俸料厚薄多由已時諸少列各定月俸  
料爲三十五千滉怒司業張叅惟止給三十千袞惡少  
詹事趙碁遂給二十五千又太子洗馬視司經局長官  
文學爲之貳袞有親戚任文學者給十二千而給洗馬  
十千其輕重任情不通時政多如此類

興元元年十二月詔京百官及畿內官俸料准元數支  
給自巡幸奉天轉運路阻絕百官俸料或至闕絕至是  
全給從之

貞元二年勅左右金吾及十六衛將軍自天寶艱難以  
後雖備兵廢缺而品秩未高宜增祿秩以示優崇並宜  
加給料錢及隨身幹力糧課等其十六衛各賜上將軍  
一人秩從一品左右金吾上將軍俸料並同六軍統軍  
諸衛上將軍次于統軍所司條件聞奏  
一十六員諸衛上將軍左右衛木料各六十千加糧賜



等 每月各糧米六斗鹽七合五勺手力七人資十千五

人糧米九石鹽一斗一升三合五勺春衣布一十五端

二員左右金吾上將軍左右金吾備上並准一十二員左

右武衛等本料五十五千加糧料等 每月手力五人資

四匹草三百三十二束料六石六斗隨身一十三人糧

三疋絹二十六疋一十六員諸衛大將軍左右衛左右金

吾衛本料四十千五百續加 雜上隨衣一人 左右武衛

等雜衛本料三十六千文續加 每月手力各四人資二

六十束料四石九斗五升隨身十八人糧米六石春衣

布一十端絹三十疋冬衣袍袖十疋絹三十四疋綿二

十七 三十員諸衛將軍左右衛左右金吾衛本料三十

六千續加 雜左右武衛等雜衛本料二十千續加 每月

各三人資四千五百文私馬兩匹草一百一十束料三

疋冬衣袍袖八疋絹六員統軍本料各六十五千續加

春冬衣一付每月糧米六斗鹽七合五勺私馬五 六員

大將軍本料六十千文續加 并准諸衛 六軍將軍本料

三十千文續加 雜衛將軍 射生神策大將軍本料三十

六千文續加 私馬五匹草料准上隨身十四人七人給

五升春衣一十四疋綿二十八疋鞋十四兩 射生神策

冬衣袍袖十四疋綿二十八疋射生神策



將軍本料三十千文續加

私馬三匹草料准上隨身十人六人給衣不給糧六人

全給糧米三石六斗鹽九升春衣布十二端絹二十四疋鞋十二兩冬衣袍袖十二疋絹二十四疋綿二十四

三年六月中書侍郎同平章事李泌奏加百官俸料各

具品秩以定月俸隨曹署閑劇加置手力資課雜給等

議者稱之

四年中書門下奏京文武及京兆府縣官總三千七十

七員據元給及新加每月當錢五萬一千四百四貫六

百十七文一年都當六十一萬六千八百五十五貫四

百四文

舊額三十四萬八千五百貫四百文新文官二

千八百九十員三太

各二百三十三公各一百八侍中中書

令

各一百六中書門下侍郎左右僕射太子三太

十貫

六尚書御史大夫太子三少

正卿京兆尹

各九十左右丞諸司侍郎給事舍人御史

中丞太子賓客詹事國子祭酒諸卿監內侍監

諫議庶子太常宗正少卿

各七十司業少詹事諸少卿

少監內侍

各八十諭德諸曹郎中東宮三卿

外郎起居舍人侍御史王府長史著作郎太子中舍中



允國子博士太常宗正殿中秘書等丞大理正都水使

者京都總監內常侍各四十貫文補闕殿中侍御史通事舍

人各三十貫文拾遺監察司天少監王府司馬贊善洗馬奉

御陵令內給事典內太常博士司舍太常宗正御史臺

主簿中書主書門下錄事各三十貫文太子文學秘書郎著

作佐郎城門符寶郎大學廣文四門博士大理司直大

理詹事諸寺監丞內謁者監中書門下主事各二十貫文評

事國子助教王府諮議及司天正宮正六局郎諸衛六

軍長史諸寺及詹事主事詹事司直太子通事舍人取

宮三寺丞太子文學廣文助教千牛衛及率府長史七

品陵丞都水丞諸直長各二十貫文四門助教協律郎諸衛

及六軍衛佐校書正字奉禮大稅尚書都事九成宮總

監各十六貫文諸寺監內侍省詹事府司天臺錄事主事各八

文貫文王府掾屬錄事參軍主簿侍御醫兩市令中書武庫

署令武成王廟令司天丞各十貫文內坊丞內寺主王府判

司王府國令諸司上局署令太子侍醫公伯邑司總監

丞司竹溫泉監七品陵廟令司天臺主簿各十六貫文律學博

士內謁者王府參軍諸司中局署令王府大農諸司上



局署丞邑司丞司天靈臺郎保章挈壺正京苑四面監

太常醫博士及監醫八品陵廟令尚藥局司醫司竹温

泉監丞各四貫文諸司中局署丞大理獄丞鴻臚掌客諸司

府監作監事計官屬佐食醫各二貫文尚輦太僕主乘僕寺

典乘軍衛率府親勳翊府兵曹典膳兩令司天臺司辰

司厯監候內坊典直內侍省宮教博士太常寺樂正及

醫卜正九品陵廟丞苑四面監丞王府國丞尉按摩呪

禁卜筮博士及針醫助教諸總監主簿國子書算及律

助教各一貫文武官八百五十六員七十二員四品各十七千三百

五十文百二十六員五品各一十千八百文九十六員六品各七

千九百文九十八員七品各六千一百一十四文一百三十六員八

品各三千七百五十二文五百五十八員九品各二千八百七十五文並雜給

校簿每貫加五百文支給京兆府縣官唯兩縣簿尉加五千文餘并同

大曆十二年四月二十八日勅右中書門下准去年十一月二十八日

勅京官宜加料錢准勅商量謹條件如前勅旨依

十年二月詔應文武朝官有薨卒者自今已後其月俸

料宜皆全給仍更准本官一月俸錢以為賻贈若諸司

三品已上官及尚書省四品官仍令有司舉舊令聞奏



行弔祭之禮務從優備初左庶子雷威以是月朔卒有司以故事計其月俸以月數給之上聞之故有是命十五年十二月詔今年十月三日權減諸道諸州刺史判軍事料及專知勾當官加手力課并減州縣官手力門倉庫獄囚子驛館廨宇等錢宜一切卻仍舊初獻計者言收諸道軍事錢及手力資課等富得百數十萬貫可以助軍于頓時判度支又贊成之及算計大數止于三十萬貫而數中更有耗折雜破纔得十餘萬貫輿論甚以爲不便韋臯張建封又相次奏言所得甚微所失

體大又因此人心頗不安故命復古也

元和六年閏十二月勅河東河中鳳翔易定四道州縣久破俸給至微吏曹注官將同比遠在於治體切要均融宜以戶部錢五萬五千貫文充加四道州縣官課七年五月加賜澤潞磁邢洛五州府縣官料錢二萬貫文其年十二月以麟坊邠三州官吏近邊俸薄各加賜其料錢

其年中書門下奏國家舊章依品制俸官一品月俸三十千其餘職田祿米大約不過千石自一品以下多少



可知艱難以來網禁漸弛於是增置使額厚請俸錢故大厯中權臣月俸有至九千貫者列郡刺史無大小給皆千貫常袞爲相始立限約至李泌又量其閑劇隨事增加時謂通濟理難減削然有名存職廢額去俸存閑劇之間厚薄頓異將爲定式須立常規制從之乃命給事中段平仲中書舍人韋貫之兵部侍郎許孟容戶部侍郎李絳等詳定減省從之

十二年四月勅京百官俸料從五月以後並宜給見錢其數內一半充給元佑正段者卽據時估實數迴給見錢

錢

其年十一月勅工部尚書邢士美以疾未任赴京宜就東都將息疾損日赴任其料錢准上官例令有司支給十三年六月以德棣滄景四州頃遭水潦給復一年遂定四州官吏俸錢料刺史每月一百五十千望繫上縣令每月四十千餘有差十四年四月重定淮四州縣俸祿以蔡州爲緊刺史月俸一百八十千申光二州爲中刺史月俸一百五十千長史已下有差



十五年六月勅曰朕聞帝王所重者國體所切者人情苟得其體必臻于太和如失其情是由于小利况設官求理煩祿責功既有常規寧官就減近者以每歲經費量入不充外官俸料據數抽貲朕再三思度終所未安念彼遐方或從卑官一家所給三載官歸在公當甘於廉潔受祿又苦于減尅待我庶吏豈其然乎雖憂國之誠固須贈助而恤人之慮將起恐咨必若水旱爲虞干戈未戢事非獲已人亦何辭今則幸遇豐登又方寧謐九州之內永絕妖氛三邊之上冀除烽警自宜尅已以足用安可剝下而爲謀臨軒載懷實所增愧其度支所準五月二日勅應給用錢每貫抽五十文都計一百五十萬貫文並宜停抽初宰相以國用不足故權請抽減課官及言事者累陳表章以爲非便故復下此詔以罷之



唐會要卷九十二

宋

王

溥

撰

內外官料錢下

長慶二年十月勅司徒兼中書令韓宏疾未全平尚須在假將息其俸料宜從勅下日便令所司支給

四年五月勅近日訪聞京城米價稍貴須有通變以公濟私宜令戶部應給百官俸料其中一半合給段疋者迴給官中所糶粟每斗折錢五十文其段疋委別貯至冬糶粟填納太倉時人以爲甚便



太和四年七月勅吏部奏應比遠道州縣官課料請令依元額料計支給不得更有欠折勅旨依奏  
其年七月勅應外任官帶一品正官京職縱不知政事且依俸料宜付所司並令兼給

七年一月戶部侍郎庾敬休奏應文武九品已上每月料錢一半合給段疋絲綿等伏以自冬涉春久無雨雪米價少貴人心未安自德音放免逋懸賑恤貧民中外羣庶已感皇慈至于衣冠之家素乏儲蓄朝夕取給猶足爲憂以臣愚見若令百官料錢內一半停給段疋絲

綿等迴給太倉粟每斗計七十文在衆庶必見懼康于公家無所虧減待至麥熟米價稍賤卽依前却給段疋等酌于事理庶叶變通勅旨宜依

八年八月劍南東川觀察使楊嗣復奏管內普合渝三州刺史元請料錢每月各四十五貫請各添至六十貫勅旨依奏

九年六月勅宰相俸料宜依元和十四年以前舊例並給見錢

開成二年八月戶部侍郎李珣奏京諸司六品以下官



唐會要 卷之五  
請假往外府違假不到本官停給料錢勅旨違限停俸料餘依準令式

四年三月初侍講學士兼太子少師王起宜兼給料錢五年三月中書門下奏準今年二月八日赦節文應京諸司勒留官令本處尅留手力雜給錢與攝官者臣等檢詳諸道正官料錢絕少雜給手力則多今正官勒留亦管公事俸入多少事未得中臣等商議其料錢雜給等錢望每貫割留二百文與攝官其職田祿米全還正官從之

會昌元年中書門下奏河東隴州鄜坊邠州等道比遠官加給課料河東等道或興王舊邦或陪京近地州縣之職人合樂爲祇緣俸課寡薄官同比遠伏準元和六年閏十二月十二日及元和七年十二月二十日初河東鳳翔鄜坊邠州易定等道令戶部加給課料錢共六萬二千五百貫文吏曹出得平流官數百員時議以爲至當自後訪聞戶部所給零碎兼不及時觀察使以其虛折皆別將破用徒有加給不及官人近地好官依前比遠臣等商議伏準今日以後令戶部以實物仍及時



唐會要 卷之 三十一  
支遣諸道並委觀察判官專判此案隨月加給官人不得別將破用如有違越觀察判官遠貶觀察使奏取進止選人官成後皆于城中舉債到任填還致其貪求罔不由此其今年河東隴西鄜坊邠州新授比遠官等望許連狀相保戶部各借兩月之數加給料錢至支給時尅下所冀初官到任不滯息債衣食稍足可責清廉從之

內外官職田

武德元年十二月制內外官各給職分田京官一品十

二頃二品十頃三品九頃四品七頃五品六頃六品四頃七品三頃五十畝八品二頃五十畝九品一頃雍州及外州官二品十二頃三品十頃四品八頃五品七頃六品五頃七品四頃八品三頃九品二頃五十畝貞觀十一年三月勅內外官職田恐侵百姓先令官收慮其祿薄家貧所以別給地子去歲緣有水旱遂令總停茲聞卑官頗難支濟事須優恤使得自資宜準元勅給其地子

景龍四年三月勅旨頒行天下凡屬文武官員五品以



唐會要 卷五  
下各加田五畝五品以上各加田四畝

開元十年正月命有司收內外官職田以給逃還貧民戶其職田以正倉粟前二升給之

其年六月勅所置職田本非古法爰自近制是以因循事有變通應須刪改其內外官所給職田地子從今年九月以後並宜停給

十八年三月勅京官職田將令準令給受復用舊制

十九年四月勅天下諸州縣并府鎮戍官等職田頃畝籍帳仍依允租價對定無過六斗地不毛者畝給二斗

二十九年二月勅外官職田委所司準例倉中受納納畢一時分付縣官亦準此

其年三月勅京畿地狹民戶殷繁計丁給田尙猶不足兼充百官苗子固難周濟其諸司官令分在都者宜令所司具作定額計應受職田並於都畿給付其應退地委採訪使與本州長官給貧下百姓其應給職田亦委採訪使與所由長官勘會同給仍永爲常式

天寶元年六月勅如聞河東河北官人職田旣納地租仍收桑課田樹兼稅民何以堪自今以後官人及公廩



職田有桑一切不得更徵絲課

十二載十月勅兩京百官職田承前佃民自送道路或遠勞費頗多自今已後其職田去城五十里內者依舊令佃民自送入城自餘限十月內便於所管州縣并腳價貯納其腳價五十里外每斗各徵二文一百里外不過三文並令百官差本司請受

上元元年十月勅京官職田準式並令佃民輸送至京廣德二年十月宰臣等奏減百司職田租之半以助軍糧從之

大曆二年正月詔京兆府及畿縣官職田宜令準外州府縣官例三分取一分至十月減京官職田一分充軍糧二分給本官

十四年八月勅內外文武官職田及公廩田準式州縣每年六月三十日勘造白簿申省與諸司文解勘會至十月三十日徵收給付本官近來不守常規多不申報給付之際先付清望要官其閒慢舉官卽被延引不付自今以後準式各令送付本官又準式職田黃籍每三年一造自天寶九載以後更不造籍宜各委州縣每年



差專知官巡覆仍造簿依限申交所司不得隱漏及妄  
破蒿荒如有違犯專知官及本典準法科罰

貞元四年八月勅準田令永業田職事官從一品郡王  
各五十頃國公若職事官正二品各四十頃郡公若職  
事官從二品各三十五頃縣公若職事官從三品各二  
十頃侯若職事官正四品各十四頃伯若職事官從四  
品各十一頃

十四年六月判度支于頔請收百官闕職田以贍軍須  
從之

元和六年八月詔百官職田其數甚廣今緣水潦諸處  
道路不通宜令所在貯錢充度支支用百官却令據數  
於太倉請受

十三年三月詔百司職田多少不均爲弊日久宜令每  
司各收職田草粟等數自長官以下據多少人作等差  
除留闕官外分給

長慶元年七月勅百司職田在京畿諸縣者訪問本地  
多被所由侵隱抑令貧戶佃食蒿荒百姓流亡半在於  
此宜委京兆府勘會均配務使公平



其年十月勅司兼中書令合屬內官各依舊外再加田五畝七品以下仍舊

寶曆元年四月制京百司田散在畿內諸縣舊制配地出子歲月已深佃戶至有流亡官曹多領虛數今欲據額均入地盤萬戶供輸百司盡得隨稅出子逐畝平攤比量舊制孰爲允便宜委京兆府與屯田審勘計會條流聞奏

開成二年五月判國子祭酒事門下侍郎平章事鄭覃奏太學新置五經博士各一人屯田素無職田請依王府官品秩例賜以祿粟從之

會昌六年十月京兆府奏諸縣徵納京百司官秩職田斛斗等伏請從今已後却準會昌元年已前舊例上司官斛斗勒民戶使自送納所冀輸納簡便百官各得本分職田縣司所由無因隱欺者並從之

大中元年十月屯田奏應內外官請職田陸田限三月三十日水田限四月三十日麥田限九月三十日已前上者入後人已後上者入前人伏以令式之中並不該閏月每遇閏月交替者卽公牒紛紜有司卽無定條莫



唐會要卷九十三  
知所守伏以公田給使須準期程時限未明實恐遺闕  
今請至前件月遇閏卽以十五日爲定式十五日以前  
上者入後人已後上者入前人據今條其元闕職田並  
限六月三十日春麥限三月三十日宿麥限十二月三  
十日已前上者入新人已後上者並入舊人今亦請至  
前件月遇閏卽以十五日爲定式所冀給受有制永無  
訴論勅曰五歲再閏固在不刊二稔職田須有定制自  
此已後宜依屯田所奏永爲常式

唐會要卷九十三

宋

王

溥

撰

諸司諸色本錢上

武德元年十二月置公廨本錢以諸州令史主之號捉  
錢令史每司九人補於吏部所主纔五萬錢以下市肆  
販易月納息錢四千文歲滿授官

貞觀元年京師及州縣皆有公廨田以供公私之費其  
後以用度不足京官有俸賜而已諸司置公廨本錢以  
番官負易以息計員多少爲月料



十一年能諸司公廨本錢以天下上戶七千人爲胥士  
視防密制而取其課計官多少而給之

十二年復置公廨本錢諫議大夫褚遂良上疏言七十  
餘司吏一二歲捉錢令史六百餘人受職太學高第諸  
州進士拔十取五猶有犯禁羅法者況屬肆之人苟得  
無恥不可使其居職太宗乃罷捉錢令史復給百官俸  
又令文武職事三品以上給親事帳內以六品七品子  
爲親事以八品九品子爲帳內歲納錢千五百謂之品  
子課錢凡捉錢品子無違負者滿二百日本屬以簿附

朝集使上於考功兵部滿十歲量文武授官

十八年以京兆府岐同華邠坊州隙地陂澤可墾者復  
給京官職田

二十一年二月令在京諸司依舊置公廨本錢捉以令  
史府史胥士等令廻易納利以充官人俸至永徽元年  
廢之以天下租脚直爲京官俸料其後又薄歛一歲稅  
以高戶主之月收息給俸尋顯以稅錢給之總十五萬  
二千七百三十緡

光宅元年秘書少監崔沔請計戶均出每丁加升尺所



增蓋少流亡漸復倉庫充實然後取於正賦罷新加者  
至開元十年中書舍人張嘉貞又陳其不便遂罷天下  
公解本錢復稅戶以給百官籍內外職田

開元十八年御史大夫李朝隱奏請籍百姓一年稅錢  
充本依舊令高戶及典正等捉隨月收利將供官人料  
錢並取情願自捉不得令州縣牽捉

其年復給京官職田州縣籍一歲稅錢爲本以高下捉  
之月收贏以給外官復置天下公解本錢收贏十之六  
天寶元年員外郎給料天下白直歲役丁十萬有詔罷

之計數加稅以供用人皆以爲便自開元後置使甚衆  
每使各給雜錢

至德二年七月宣諭使侍御史鄭叔清奏承前諸使下  
召納錢物多給空名告身雖假以官賞其忠義猶未盡  
才能今皆量文武才藝兼情願穩便據條格議同申奏  
聞

乾元元年勅長安萬年兩縣各備錢一萬貫每月收利  
以充和雇時祠祭及蕃夷賜宴別設皆長安萬年人吏  
主辦二縣置本錢配納質債戶收息以供費諸使捉錢



者給牒免徭役有罪府縣不敢劾治民間有不取本錢立虛契子孫相承爲之

寶應元年勅諸色本錢比來將放與人或府縣自取及貧人將捉非惟積利不納亦且兼本破除今請一切不得與官人及窮百姓并貧典吏揀擇當處殷富幹了者三五人均使翻轉迴易仍放其諸色差遣庶得永存官物又冀免破家

大歷六年三月勅軍器公廨本錢三千貫文放在人上取利充使以下食料紙筆宜於數內收一千貫文別納店舖課錢添公廨收利雜用

貞元元年四月禮部尚書李齊運奏當司本錢至少廚食闕絕請準秘書省大理寺例取戶部闕職官錢二千貫文充本收利以助公廚可之

其年九月八日勅自今後應徵息利本錢除主保逃亡轉徵鄰近者放免餘並準舊徵此其所欠錢仍任各取當司闕官職田量事糶貨充填本數并已後所舉不得過二十貫

十二年御史中丞王顏奏簡勘足數十王廚

貫文十六



王宅三百九十二貫門下省三千九百七十貫中書省五千

九十八貫集賢院四千四百六十貫崇元館五百五十七貫宏文館七百

二十六貫太清宮一千貫史館一千三百一十貫尚書都省一萬

二百一十五貫吏部尚書銓三千一百八十貫東銓二千

四十五貫西銓二千四百三十三貫南曹五百八十八貫甲庫

二百八十四貫功狀院二千五百貫流外銓三百五十五貫急書五百

事五百貫白院五千六百二十貫考功一千五百二十貫司勳

二百二十貫兵部六千五百二十貫戶部六千五百五十八貫工

倉部四百二十七貫刑部六十貫禮部三千五百二十七貫

工部四千三百二十貫御史臺一萬八千五百貫東都御

史臺五百貫西京觀察使五千四百六十六貫三衛使五百貫軍器

使二千一百九十一貫監食使七十四貫秘書省四千七

殿中省二百三十八貫太常寺一萬四千二百五十五貫太常禮

院一百七十七貫光祿寺一百五十五貫衛尉寺一千二百四十四貫宗正

寺一千八百八十八貫大理寺五千九百九十二貫太僕寺三千鴻臚

寺六千六百五十九貫司農寺五千六百五十五貫太倉諸色供

七百八十七貫太府寺二千二百八十八貫左藏庫將作監

七百二十四貫少府監六百七十八貫中尚書七百七十貫國子監三千三

貫文



二貫三百  
六十文  
詹事府  
一千七百一十六  
家令寺  
七百八十

文僕寺  
四百  
左春坊  
一百八十四  
右春坊  
二百八  
崇文

館  
八百一  
司天臺  
二百八  
皇城留守  
一十二百三十  
右

金吾衛  
九千  
右金吾引駕仗  
三千三百六  
右街使  
一千

六十貫八  
百三十文  
左金吾衛  
九千九貫  
左金吾引駕仗  
六千一

文左街使  
三千九百十六  
總監  
三千  
京兆府  
四萬八千

九貫二百  
二十四文  
京兆府御遞院  
二千五  
百貫文

二十一年正月制百官及在城諸使息利本錢徵放多

年積成深弊宜委中書門下與所司商量其利害條件

以聞不得擅有禁錢務令通濟

其年七月中書門下奏勅釐革京百司息利本錢應徵

近親及重攤保并遠年逃亡等今年四月十七日勅本

利并放訖其本事須借錢添填都計二萬五千九百四

十三貫六百九十九文伏以百司本錢久無疏理年歲

深遠亡失頗多食料既虧公務則廢事須添借令可支

持伏望聖恩許令準數支給仍請以左藏庫度支除陌

錢充勅旨宜依

諸司諸色本錢卜



元和二年六月中書門下上言聖政維新事必歸本疏理五坊戶色役令府縣却收闕民欣喜恩出望外臣等敢不釐革舊弊率先有司其兩省納課陪廚戶及捉錢人總一百二十四人望令歸府縣色役勅旨從之

六年四月御史臺奏諸使慮有捉利錢戶請同臺省例如有過犯差遣並任府縣處置從之

其年五月御史中丞柳公綽奏請諸司諸使應有捉利錢戶其本司本使令戶人牒身稱準放免雜差遣夫役等如有過犯請牒送本司本使科責府縣不得擅有決

罰仍永爲常式者臣昨因奉進止追勘閑廐使下利錢戶割耳進狀劉嘉和訴被所由分外科配等事由因勘責劉嘉和所執牒身所引勅文檢勅不獲牒閑廐使勘勅下年月日又稱遠年文案失落今據閑廐使利錢案一使一卜已有利錢戶八百餘人訪聞諸使並同此例戶免夫役者通計數千家況犯罪之人又當僥倖所稱捉利錢戶先亦不得本錢百姓利其牒身情願虛立保契文牒一定子孫相承至如劉嘉和情願充利錢戶事由緣與人毆鬪打人頭破時便於閑廐使情願納利錢



得牒身免府縣科決實亦不得本錢已具推問奏聞訖  
 伏奉進止令臣具條流奏聞者今請諸司諸使所管官  
 錢戶並依臺省舉本納利人例諸司諸使更不得妄有  
 準勅給牒身免差遣夫役及有過犯許作府縣處分如  
 官典有違請必科處使及長官奏聽進止其先給牒者  
 並仰本司本使收毀入後在人戶處收毀不盡其官典  
 必有科責其捉錢戶原不得本錢者亦任使不納利庶  
 得州府不失丁夫姦人免有僥倖勅旨宜依

九年十一月戶部奏準八月十五日勅諸司食利本錢

出放已久散失頗多各委本司勘會其合徵錢數便充  
 食錢若數少不充以除陌五文錢量其所欠添本出放  
 者令准勅各牒諸司勘會得報據秘書省等三十一司

牒應管食利本錢物五萬三千九百五十二貫九百五

十五文 各隨司被逃亡散失見在徵數額與  
元置不同今但據元置數額而已 秘書省 三

三百八十四 太常寺 六千七百二十 光祿寺 一千二百

六十 宗正寺 一百一十七 衛尉寺 一千二百五 太僕寺

五百文 大理寺 五千九百二十四 鴻臚寺 二千六百

司農寺 二千七百三十五 太府寺 一千五百八 殿中省



九百九十貫	詹事府	一千一百九十一	國子監	二千六百
五百五十文	少府監	一千三百三十四	將作監	一千六百
四貫二百	右春坊	一千三百三十四	司天臺	三百八
五十文	太僕寺	四百三十六	總監	二千六百
左春坊	尚食局	三百三十	尚舍局	三百七十
一貫七百七	太倉	二千四百十五	內中局	六百三
十貫八百	尚輦局	一百	左衛	二萬
一貫七百	長安縣	二千七百四十五	御史臺	仔細簡勘具合徵放錢數及量諸司開劇人日
十貫	左司禦帥府	二百一	右司禦帥府	一百
十貫	右司禦帥府	二百一	勅宜委	

加減條流奏聞

其年十二月勅比緣諸司食利錢出舉歲深為弊頗甚  
 已有釐革別給食錢其御史臺奏所勘責秘書省等三  
 十二司食利本錢數內有重攤轉保稱甚困窮者據所  
 欠本利並放其本戶中納利如有十倍已上者既緣輸  
 利歲久理亦可矜量准前本利並放其納經五倍已上  
 從今年十二月以前應有欠利並放起元和十年正月  
 已後準前計利徵收其餘人口等計其倍數納利非多  
 不可一例矜放宜並委本司準前納其諸司所徵到



錢自今以後仍於五分之中常抽一分留添官本各勒本司以後相承收管其諸司應見徵納及續舉放所收利錢並準今年八月十五日勅充添脩司廨宇什物及令史驅使官厨料等用仍委御史臺勾當每常至年終勘會處分其諸司除疏理外見在本錢據額更不得破用如有欠失即便勒主掌官典所由等據數填陪其中書門下兩省及尚書省御史臺應有食利錢外亦便令準此條流處分

十年正月御史臺奏秘書省等三十二司除疏理外見

在食利本錢應見徵納及續舉放所收利錢準勅並充添脩當司廨宇什物及令史驅使官厨料等用準元和九年十二月二十九日勅仍委御史臺勾當每至年終勘會處分及諸司疏理外見在本錢據額不得破用如有欠失即便勒主掌官典所由等填陪者其諸司食利本錢疏理外合徵收者請改案額爲元和十年新收置公廨本錢應緣添脩廨宇什物及令史府史等厨並用勒本司據見在戶名錢數各置案歷三官通押逐委造帳印訖入案仍不得侵用本錢至年終勘會欠少本利



官典諸節級準法處分庶官錢免至散失年額既定勾當有憑勅旨宜依

十一年八月勅京城百司諸軍諸使及諸道應差所由并召人捉本錢右御史中丞崔從奏前件捉錢人等比緣皆以私錢添雜官本所防耗折裨補官利近日訪聞商販富人投身要司依託官本廣求私利可徵索者自充家產或逋欠者證是官錢非理逼迫爲弊非一今請許捉錢戶添放私本不得過官本錢勘責有剩並請沒官從之

其年九月東都御史臺奏當臺食利本錢從貞元十一年至元和十一年息利十倍以上者二十五戶從貞元十六年至元和十一年息利七倍以上者一百五十六戶從貞元二十年至元和十一年息利四倍以上者一百六十八戶伏見去年京畿諸司本錢並條流甄免其東都水滸該及者竊以淮寇未平供饋尙切人力少疲衣食屢空及納息利年深正身旣沒子孫又盡移徵親族旁支無支族散徵諸保人保人逃死或所由代納縱倪旄孤獨仰無所依立限踰年虛繫錢數公食屢闕民



戶不堪伏乞天恩同京諸司例特甄減裁下勅旨從奏

十二年正月門下省奏應管食利本錢總三千四百九

十八貫三百二十一文宰相已下至主錄等食利三百七十八貫三百四十餘文直省

院本錢準建中三年四月十五日勅以留院入錢置本中書省奏當省食利本錢

共五千貫文宰相以下官至上錄等食利錢一千貫直省院食利本錢準建中二年四月勅當院

自歛準元和九年十二月九日勅令勘會疏理其見在

置本合徵錢準勅合充添修當司廨宇什物其省院本錢緣

是當院自歛置本請便充本添厨等用勅旨依奏

十四年十月御史中丞蕭俛奏應諸司諸軍諸使公廨

諸色本利錢等伏緣臣常司及秘書省等三十二司利

錢伏準本年七月十三日赦文至十倍者本利前放展

轉攤保至五倍者本利並放緣前件諸司諸使諸軍利

錢節文並不該及其中有納利百姓見臣稱訴納利已

至十倍者未蒙一例處分求臣上達天聽臣已面陳奏

訖伏以南北諸司事體無異納利百姓皆陛下赤子若

恩澤均及則雨露無偏伏望聖慈特賜放免勅旨從奏

十五年二月詔內外百官食利錢十倍至五倍以上節

級放免仍每經十年即內外百司各賜錢一萬貫充本



唐會要 卷三十三  
據司大小公事閒劇及當司貧富作等第給付  
其年八月賜教坊錢五千貫充本以收息利

長慶元年三月勅添給諸司本錢準元和十五年五月  
十一日勅內外百司準二月五日赦文宜共賜錢一萬  
貫文以戶部錢充仍令御史臺據司額大小公事閒劇  
爲等第均配

三年十一月賜內園本錢一萬貫軍器使三千貫  
其年十二月賜五坊使錢五千貫賜威遠鎮一千貫以  
爲食利

太和元年十二月殿中省奏尙食局新舊本錢總九百  
八十貫文伏以尙食貧虛更無羨餘添給伏乞聖慈更  
賜添本錢二千貫文許臣別條流方圓諸色改換收利  
支用庶得不失公事敕旨賜本錢一千貫文以戶部五  
文抽貫錢充

七年八月勅中書門下省所將本錢與諸色人給驅使  
官文牒於江淮諸道經紀每年納利並無元額許置如  
聞納利殊少影射至多宜並勒停兩省先給文牒仍盡  
追收其去年所減人數雖挾名尙執兩省文牒亦宜收



訖聞奏以後不承正勅不在更置之限  
開成三年七月勅尚書省自長慶三年賜本錢後歲月  
滋久散失頗多或息利數重經恩放免或民戶逋欠無  
處徵收如聞尚書丞郎官入省日每事關供須議添助  
除舊賜本錢徵利收及吏部告身錢外宜每月共賜一  
百貫文委戶部逐月支付其本錢任準前收利添充給  
用仍委都省納勒舊本及新添錢量多少均配逐行分  
析聞奏

四年六月上御紫宸殿宰臣李珣奏堂廚食利錢二千

五百貫文供宰相香油蠟燭捉錢官三十人頗擾百姓  
今勘文書堂頭共有一千餘貫所收利亦無幾臣欲總  
收此錢用自不盡假令十年之後更無此錢直令戶部  
供給亦得兩省亦有此錢臣亦欲商量共有三百餘人  
在外求利米鹽細碎非國體所宜上曰太細碎楊嗣復  
曰百司食利實爲煩碎自貞觀以後留此弊法臣等卽  
條流聞奏乃奏宰臣置厨捉錢官並勒停其錢並本錢  
追收勒堂後驅使官置庫收掌破用量入計費十年用  
盡後卽據所須奏聽進止勅旨宜依



唐會要卷之五十四  
會昌元年正月勅節文每有過客衣冠皆求應接行李  
苟不供給必致怨尤刺史縣令但取虛名不惜百姓宜  
委本道觀察使條流量縣大小及道路要僻各置本錢  
逐月收利或觀察使前任臺省官不乘館驛者許量事  
供給其錢便以留州留使錢充每至年終由觀察使如  
妄破官錢依前科配並同入已贓論仍委出使御史糾  
察以聞

其年四月河南府奏當府食利本錢出舉與人勅旨河  
南府所置本錢用有名額既無別賜所闕則多宜令改  
正名額依舊收利充用

其年六月河中晉絳慈隰等州觀察使孫簡奏準赦書  
節文量縣大小各置本錢逐月四分收利供給不乘驛  
前觀察使刺史前任臺省官等晉慈隰三州各置本錢  
訖得絳州申稱無錢置本令使司量貸錢二百貫充置  
本以當州合送使錢充勅旨宜依仍付所司是月戶  
部奏準正月九日勅文放免諸司食利錢每年別賜錢  
三萬貫文充諸司公用今準長慶三年十二月九日勅  
賜諸司食利本錢共八萬四千五百貫文四分收利一



年祇當四萬九百九十二貫文今請落下徵錢驅使官二百文課並更請於合給錢內四分中落一分均攤分配所得新賜錢均給東都臺省等一十四司雖落下一分錢緣道驅使官員於人戶上徵錢皆被延引雖有四分收利之名而無三分得利之實今請每月合得利錢數外更添至三百貫文內侍省據自司報牒稱省內公用稍廣利錢比於諸司最多今請於合得錢外亦添至三百貫文兵部吏部尚書等銓一十一司緣有舊本錢準勅放免又有公事今請每月共與一百五十貫文臣今於新賜外更請添賜此件錢所費不廣所利至多則內外諸司永得優足伏望聖恩允臣所奏勅旨宜依二年正月勅去年赦書所放食利祇是外百司食錢令戶部共賜錢訖若先假以食利爲先將充公用者並不在放免如聞內諸司息利錢皆以食利爲名百姓因此亦求蠲免宜各委所司不在放免之限







不可裴寂乃請尊隋主爲太上皇立代王爲帝以安隋  
室旗幟雜用絳白以示突厥帝曰此掩耳偷鈴然逼於  
時事不得不然乃許之煬帝十三年六月遣使如北突  
厥突厥遣康鞘利等送馬千匹許發兵送帝入關帝受  
書命劉文靜報突厥以請兵帝私謂文靜曰胡騎入中  
國生民之大蠹我所以欲得之者恐劉武周引之爲患  
又胡馬行牧不費芻粟聊欲藉爲聲援數百人之外無  
所用之八月帝克臨汾絳郡劉文靜以突厥兵至遂下  
韓城帝卽位之五月突厥遣使來時突厥強盛自契丹

室韋西盡吐谷渾高昌諸國皆臣之又恃功驕倨每遣  
使至多暴橫帝亦優容之

武德元年八月遣鄭元璫以女妓賂始畢可汗始畢遣  
使來報帝宴之引升御座以寵之

二年二月始畢死其弟處羅可汗立八月梁王師都與  
突厥合數千騎寇延州總管段德操擊破之十一月師  
都請爲鄉導謀大舉入寇是月處羅死其弟頡利可汗  
咄苾立

三年五月頡利恃其士馬雄盛有憑陵中國之志言辭



驕慢求請無厭又王世充使說之曰昔改民奔隋賴文帝力有此土宇子孫享之宜奉楊政道楊帝代唐以報孫文帝之德頡利然之至是寇汾陽

四年三月頡利遣使送鄭元璿等還先是處羅與劉武周寇并州遣元璿諭以禍福不從未幾處羅死疑璿毒之留不遣又遣漢陽公瓌使頡利頡利欲令瓌拜不屈亦留之復遣使賂頡利且許結婚遂遣使送還

六月寇定州八月寇并州遣鄭元璿詣頡利責以負約因說以得唐地不能居虜掠所得皆入國人於可汗何有不如還師修好坐受金幣孰與棄昆弟積年之歡結子孫無窮之怨頡利悅引兵還

七年閏七月秦王世民與虜遇於幽州頡利突利二可汗率萬騎奄至賊西秦王帥騎馳詣虜陣告之曰國家與可汗和親何爲負約深入我地我秦王也能鬪獨出與我鬪若以衆來我直以此百騎相當耳頡利不應又遣騎前告之爾往與我盟有急相救今乃相攻何無香火情突利亦不應頡利見秦王輕出又聞香火之言疑突利與王有謀乃遣止之曰王不須渡我但欲申固盟



唐會要 卷之四  
約耳兵少却後雨久虜弓筋膠俱解秦王潛師夜進頡  
利大驚乃請和親  
九年秋七月頡利寇邊先是與突厥書用敵國禮帝欲  
改用詔勅突厥遂寇靈相潞沁韓朔等州張瑾全軍沒  
溫彥博爲虜所執靈州都督任城王道宗擊破之請和  
而退

貞觀二年四月頡利以薛延陀回紇等叛遣突利討之  
敗還頡利拘而撻之突利怨表請入朝

十一月突厥北邊多叛頡利歸薛延陀共推其俟斤夷  
男爲可汗夷男不敢當上方圖頡利乃遣使間道冊夷  
男爲真珠毘伽可汗夷男建牙于大漠之鬱督軍山下  
回紇拔野古阿跌同羅僕骨霫諸部皆屬遂遣弟入貢  
三年十一月頡利因薛延陀之封大懼始遣使稱臣請  
尚公主代州都督張公瑾上突厥可取六狀乃命李靖  
爲行軍總管討之公瑾爲副突厥俟斤九人及拔野古  
僕骨同羅奚酋長並率衆來降復以李靖等分道出擊  
十二月突利入朝太宗喜曰朕治安中國四夷自服豈  
非上策乎



四年二月李靖襲破突厥于陰山頡利遁依沙鉢羅設  
蘇尼失部落王道宗引兵逼之使蘇尼失執頡利張寶  
相取之以獻蘇尼失舉衆降漠南遂空

十年正月突厥阿史那社爾降社爾處羅之子年十一  
以智略聞處羅以爲拓設建牙于積北頡利亡西突厥  
亦亂社爾詐之襲取其地幾半衆十餘萬乃曰破我國  
者薛延陁也我當報仇擊滅之諸部皆諫不從大敗遂  
率衆降

十三年四月突利之弟結社率貞觀初入朝爲中郎將

久不進秩從幸九成宮陰結故部落四十餘人夜襲御  
營折衝孫武開等帥衆擊之盜馬北走追斬之

七月自結社率之反羣臣皆言留河南不便乃賜懷化  
郡王阿史那思摩姓李氏立爲泥熟俟利苾可汗賜鼓  
纛使率其種落突厥咸憚薛延陁不肯出塞上賜延陁  
璽書言前破突厥止爲頡利爲百姓之害今冊還其故  
國爾薛延陁受冊在前突厥受冊在後當以先後爲大  
小無故抄掠發兵問其罪薛延陁奉詔乃遣王孝恭等  
齎冊立之



十八年十一月突厥泥熟俟利苾北渡河延陁惡之數相攻擊俟利苾有衆十萬不能撫御悉南渡河請處勝夏之間許之羣臣言陛下方遠征遼左而置突厥於河南距京師不遠豈得不爲後患上曰夷狄亦人以德治之可使如一家且彼不北走延陁而歸我其情可見俟利苾旣失衆輕騎入朝

二十一年冬十一月突厥車鼻遣使入貢車鼻本頡利同族頡利敗而部欲立之薛延陁方強不敢當率衆歸之延陁因其有勇略恐爲後患欲殺之車鼻逃建牙金

山之北餘衆稍歸之及延陁敗車鼻勢益張遣子入貢

又請入朝遣使徵之卒不至正月遣右驍衛郎將高侃

擊車鼻

車鼻本無罪帝因安市班師欲立奇功以雪恥耳

永徽元年九月高侃擊車鼻軍至阿息山車鼻發諸部兵皆不應遂以百騎走侃追獲之送京師諸部盡內附置軍于瀚海二都護府十都督二十二州分統之自是北邊無寇三十餘年

咸亨元年三月勅突厥酋長子弟給事東宮

調露元年十月單于大都護府突厥阿史德温傳奉職



唐會要 卷之六  
二部俱反立阿史那泥熟菑爲可汗二十四州酋長皆  
叛衆數十萬遣蕭嗣業等討之屢捷會大雪突厥襲其  
營爲虜所敗

永隆元年三月以裴行儉爲定襄道大總管將兵以討  
之大破于黑山擒奉職泥熟菑爲其下所殺以首來降  
開耀七年阿史那伏念自立爲可汗與阿史德溫傳連  
兵爲寇詔復以行儉爲大總管曹懷舜副之引兵討伏  
念先遣裨將程務挺掩金牙襲獲伏念妻子輜重伏念  
北走又使務挺等追躡之伏念遂執溫傳以降餘黨悉  
平歸斬伏念溫傳於都市

永淳元年十月突厥餘黨阿史那骨篤祿阿史德元珍  
等招集亡散寇并州代州都督薛仁貴將兵擊之虜以  
仁貴流象州死仁貴免胄示之而虜失色下馬列拜引  
去仁貴因奮擊大破之

宏道元年二月突厥寇定州圍單于都護府五月寇蔚  
州

嗣聖四年七月骨篤祿寇朔州武后遣黑齒常之等擊  
之骨篤祿散走磧北長壽二年九月武后以僧懷義討



唐會要 卷之七  
之十年九月骨篤祿死弟默啜立十一年三月復遣僧  
懷義討默啜十二年十月默啜遣使請降

聖歷元年三月默啜請爲其女求婚武后遣閻知微等  
冊爲遷善可汗初虜降者多處於豐勝靈夏朔代六州  
至是默啜求之乃悉驅降戶歸之并許其婚由是默啜  
益強盛

其年八月太后以武承嗣子延秀入突厥納其女默啜  
謂知微等曰我世受李氏恩欲以女嫁李氏安用武氏  
兒聞李氏惟兩兒在我將兵輔立之以知微爲南面可

汗發兵寇媯澶等州移書曰我可汗女當嫁天子兒武  
小如罔冒爲婚我爲此起兵欲取河北耳九月陷趙州  
武后以帝爲皇太子河北道元帥狄仁傑副之將兵討  
之默啜北遁追之不及

二年十月默啜立其弟咄悉荀爲左廂察骨篤祿子默  
矩爲右廂察各主兵二萬餘其子匄俱爲小可汗位在  
兩察上主處木昆等十姓兵四萬餘又號爲拓西可汗  
大足二年正月默啜寇鹽夏遂寇并州遣薛季昶等禦  
之



唐會要 卷之五  
神龍二年十二月默啜寇鳴沙進寇原會等州掠隴右  
牧馬萬餘匹而去詔訪羣臣禦寇計策

景雲二年正月默啜遣使請和親遣和逢堯使突厥逢  
堯說默啜曰處密堅昆聞可汗結婚於唐皆當歸附何  
不襲唐冠帶使之聞之默啜許諾明日幘頭紫衫再拜  
稱臣

開元三年默啜既請和稱臣至是復圍北庭九月遣薛  
訥討之四年六月默啜爲拔曳固斬首來降

### 西突厥

西突厥曷娑那可汗入朝於隋留之國人立其叔父射  
匱可汗射匱者達頭之孫既立拓地東至金山西至海  
遂與北突厥爲敵建庭於龜茲北三彌山射匱卒弟統  
葉護可汗立勇而有謀北并鐵勒控弦十萬據烏孫故  
地又移庭於白國北千泉西域諸國皆臣之統葉護各  
遣其吐屯監督征賦

武德元年八月以西突厥曷娑那可汗爲歸義王曷娑  
那獻大珠帝曰珠誠至寶然朕寧王赤心珠無所用之  
竟還之



二年八月曷娑那在長安北突厥遣使請殺之不許羣臣皆曰保一人而失一國後必爲患秦王曰人窮歸我殺之不義久之引曷娑那入內殿旣而送中書省縱北突厥使者殺之

八月西突厥高昌各遣使入貢

八年夏四月統葉護遣使請婚帝問裴矩對曰今北寇方強國家且當遠交而近攻臣謂宜許其婚以威頡利俟數年之後徐思其宜上從之

貞觀八年十月西突厥咄陸可汗死其弟沙鉢羅咄陸利失立

十二年十二月西突厥分爲十部每部酋長各賜一箭謂之十箭又分左右廂左廂號五咄陸部置五大啜右廂號五弩失畢部置五大俟斤通謂之十姓部落至是啞利失失衆心爲其臣所襲遂走焉者尋復得其故地西部遂立欲谷設爲乙毗咄陸可汗中分其地

十三年十二月西突厥啞利失可汗死子乙毗沙鉢羅葉護立號南庭咄陸爲北庭

十五年五月咄陸可汗殺沙鉢羅可汗



十六年咄陸旣并沙鉢羅之衆自恃強盛遣兵寇伊州安西都護郭孝恪擊破之是年咄陸擊破米國不分虜獲與其下又斬其將泥熟吸泥熟吸部將胡祿屋襲擊之咄陸走保白水胡城所部詣闕請廢之上遣使立莫賀咄之子爲乙毗射匱可汗率諸部擊咄陸敗之使人招其故部落皆曰使我千人戰死一人獨存亦不汝從咄陸自知不爲衆附乃奔吐火羅

十九年六月乙毗射匱可汗遣使入貢且請婚許之使割龜茲于闐疏勒朱俱波葱嶺五國以爲聘禮

二十二年四月葉護賀魯來降咄陸旣奔吐火羅部落亡散其葉護阿史那賀魯帥其餘衆數千帳內屬詔以爲瑤池都督

永徽三年七月賀魯招集離散廬帳漸盛聞太宗崩遂叛擊破射匱滅之勝兵數十萬與乙毗咄陸連兵處月處密及西域諸國多附之進寇庭州攻陷金嶺城詔梁建方契苾何力發兵及回紇以討之

四年十二月乙毗咄陸死子頡苾達度設號真珠葉護與沙鉢羅有隙尋爲沙鉢羅所併



六年五月屯衛大將軍程知節將兵討沙鉢羅不克  
顯慶二年正月遣蘇定方等復擊沙鉢羅定方至是曳  
陁河西沙鉢羅帥十萬拒戰擊敗之會大雪平地二尺  
定方曰虜恃雪深謂我不能進亟追之可及也又斬獲  
數萬沙鉢羅脫走趣石國諸部各歸所居乃命蕭嗣業  
追獲之遂分其地置昆陵濛池二都護府以彌射爲興  
昔亡可汗押五咄陸部落步真爲繼往絕可汗押五弩  
失畢部落

龍朔二年十月勅興昔亡繼往絕二可汗發兵與蘇海  
政討龜茲繼往絕素與興昔亡有怨密請海政矯勅收  
斬之其部落亡走海政追討平之繼往絕尋死十姓無  
主附于吐蕃

三年十月西突厥寇庭州刺史來濟將兵拒之不能禦  
遂赴敵死

永淳元年四月阿史那車簿圍弓月安西都護王方翼  
救之三姓咽麩與車簿合兵拒方翼戰于熱海分遣裨  
將襲破之擒其酋長三百人西突厥遂平

嗣聖三年九月以突厥斛瑟羅爲繼往絕可汗



長壽二年十月西突厥十姓自垂拱以來爲東突厥所  
侵掠散亡略盡繼往絕可汗斛瑟羅收其餘衆入居內  
地武后以爲竭忠事主可汗

長安四年正月周以阿史那懷道爲西突厥十姓可汗

沙陁突厥

貞觀十二年九月上以薛延陁強盛恐後難制分封其  
二子皆爲小可汗各賜鼓纛外示優崇實分其勢

十五年十一月薛延陁眞珠可汗聞將東封境內以虛  
我此時取思摩奴如拉朽乃命其子大度設勒諸部兵

合二十萬擊突厥思摩不能禦率部落入長城保朔州  
遣使告急詔遣李世勣等分道擊之十二月世勣敗薛  
延陁于諾眞水捕獲五萬餘大度設脫走

十六年十月上謂侍臣曰薛延陁屈強今禦之有二策  
苟非發兵殄滅之則與之婚姻以撫之房元齡曰兵凶  
戰危臣以爲和親便卽命兵部侍郎崔敦禮持節使薛  
延陁許以新興公主妻之

十七年眞珠使其姪來納聘獻羊馬契苾何力上言薛  
延陁不可與婚上曰我許之矣可食言乎何力曰願且



遷延勅夷男使親迎彼必不敢來則絕之矣上乃召真珠可汗會禮真珠欲行其臣不可謂往必不返真珠謂天子聖明遠近朝服今親幸靈州以愛主妻我得見天子死亦不恨薛延陀何患無君因多以羊馬爲聘禮路經沙磧耗死過半乃責以聘禮不備絕之褚遂良上疏曰往者夷夏咸言陛下欲安百姓不愛一女莫不懷德今忽有改悔之心得少失多竊爲國家惜之嫌隙旣生必構邊患彼國蓄見欺之怒此士懷負約之慚恐非所以服遠人訓戎士也不聽薛延陀本無府庫至是厚

歛諸部以充聘財諸部怨叛延陀由是衰弱

十九年九月真珠二子長曰曳莽次曰拔灼初分立爲小可汗至是真珠死拔灼殺其兄曳莽而自立是爲多彌可汗十二月薛延陀寇夏州

二十年正月夏州兵擊薛延陀大破之

二十一年八月多彌猜禰好殺廢父時貴臣專用已所親昵國人不附回紇諸部落擊之大敗上詔王道宗等將兵擊之國中驚擾多彌出走回紇殺之盡據其地餘衆西走猶七萬共立真珠兄子咄摩支遣使奉表請居



鬱督軍山之北詔遣使安集之鐵勒九姓酋長聞其來皆懼朝議亦恐其爲磧北之患乃遣李世勣圖之上自幸靈州招撫之世勣至鬱督軍山吐摩支降道宗兵旣渡磧薛延陀餘衆拒戰道宗擊破之遣使招諭鐵勒諸部其酋長皆喜請入朝駕至浮陽回紇等十一姓名遣使歸命乞置官司上喜遣使納之詔曰朕聊命偏師遂擒頡利始宏廟略已滅延陀鐵勒百餘萬戶請爲州郡混元以降書未前聞宜備禮告廟仍頒示普天上又爲詩曰雪恥酬百姓除凶報千古勒石於靈州

景龍二年十一月突騎施烏質勒卒子娑葛自立爲可汗故將闕噉忠節不服數相攻擊遣馮嘉賓持節安撫忠節呂守素處置四鎮以牛師獎爲安西副都護發甘涼兵兼徵吐蕃以討娑葛忠節逆嘉賓於討舒河口娑葛遣兵襲之擒忠節殺嘉賓守素牛師獎與娑葛戰敗遂陷安西斷四鎮路大都護郭元振表娑葛狀而遂赦娑葛立爲可汗三年七月娑葛遣使請降  
開元九年二月突厥毗伽遣使求和帝賜以諭之果有誠心則共保遐福不然無須使者往來若仍侵邊亦有



以待之其審圖之

十五年九月吐蕃寇瓜州遣突厥毗伽書欲與俱入寇毗伽獻其書於朝上嘉之聽於西受降城互市於是遣使入貢

二十二年十二月毗伽爲其臣梅錄吸毒死子登利立二十九年七月登利從叔二人分典兵馬號左右殺登利惡其專誘右殺斬之左殺判闕特勒攻殺登利骨闕葉護自立爲可汗

天寶元年秋七月突厥拔悉密回紇葛邏祿自爲左右葉護餘衆共立判闕特勒之子爲烏蘇米施可汗朔方節度使王忠嗣說拔悉密等攻之烏蘇遁去突厥西葉護阿不思等帥餘衆千餘帳相次來降突厥山是遂微弱

三載八月拔悉密攻殺突厥烏蘇米施可汗國人立其弟爲白眉可汗于是勅忠嗣乘亂破其左廂十一部會回紇葛邏祿共攻拔悉密頡跌伊施殺之回紇骨力裴羅自立爲骨咄祿毗伽闕可汗上冊拜裴羅爲懷仁可汗



四載正月白眉爲懷仁所殺其子摩延噶立自號葛勒可汗

吐谷渾

初隋煬帝征吐谷渾可汗伏允奔黨項煬帝立其質子順爲主不之遣會中國喪亂伏允還收其故地仍自稱爲吐谷渾可汗

武德二年二月涼李軌奉書于帝稱從弟大涼皇帝臣軌帝怒噉討之遣使與伏允連和使引兵擊李軌許以順還之伏允喜起兵擊軌數遣使入貢請其質子順帝

遣還之

四年七月吐谷渾寇洮岷二州遣岷州刺史柴紹救之爲其所圍虜乘高射之矢下如雨紹遣人彈胡琵琶二女子對舞虜怪之相與聚觀紹察其無備潛遣精騎出虜陣後擊之衆大潰

八年正月吐谷渾突厥各請互市詔皆許之先是中國喪亂民乏耕牛至是資於戎狄雜畜被野

貞觀八年十月吐谷渾可汗伏允老耄其臣天柱王用事數入塞侵盜詔大舉兵討之上欲以李靖爲將因其



老不欲重勞之靖聞之請行上大悅以靖爲西海道行軍大總管節度諸軍討之

九年五月李靖悉燒野草輕兵走入磧諸將以爲馬無草未可深入侯君集曰虜一敗之後鼠逃鳥散取之易於拾芥此而不乘後必悔之靖從之分軍爲兩道敗吐谷渾於牛心堆又敗諸赤水源君集追伏允於烏海與戰大破之靖襲破伏允牙帳伏允子順斬天柱王來降伏允爲左右所殺國人立順爲可汗詔以爲西平王後順爲國人所殺上遣侯君集將兵立其子諾曷鉢爲可

汗

十年三月吐谷渾請頒歷遣子入侍

永徽三年正月吐谷渾遣使入貢

咸亨三年二月徙吐谷渾於靈州其故地皆入於吐蕃  
乾寧元年六月李克用大破吐谷渾



唐會要卷九十五

宋

王

溥

撰

高昌

卽漢車師前王之廷後漢戊巳校尉之故地漢時興師  
 西討軍中羸億者留居焉地形高敞故因名高昌壘有  
 八城本皆中國人也後魏時爲郡以闕伯周爲太守尋  
 爲沮渠無諱所奪居數世高昌滅之以燉煌人張孟明  
 爲國王國人殺之共立馬儒又殺之乃立其長史金城  
 麴嘉爲王嘉自云河東人世修職貢於中國知文字書



計置官亦採中國之號今王伯雅卽嘉之後世

武德七年獻狗雌雄各一高六寸長一尺餘

中國有拂菻狗自此

始也

貞觀四年其王文泰來朝

泰卽伯雅子也

妻宇文氏卽隋煬帝

所賜華容公主也請入宗親詔賜姓李氏封常樂公主其後與突厥連結西域諸國朝貢者皆路出高昌文泰稍擁絕之至十三年太宗謂其使曰高昌數年來朝貢旣畧無蕃臣之禮今茲歲首萬國來朝而文泰不至我使人至彼文泰云鷹飛於天雉竄於蒿貓遊於堂鼠安

於穴各得其所豈不快耶明年當發兵以擊爾國也

十四年八月十日交河道行軍大總管侯君集副總管

牛進達平高昌國下其郡三縣五城二十一戶八千四

十六口三萬七千七百二十八馬四千三百疋太宗欲

以其地爲州縣魏徵諫曰未若因撫其人而立其子所

謂伐罪弔民威德被於遐外爲國之善者也今若利其

土壤以爲州縣常須千餘人鎮守數年一易往來交替

死者十有三四遣辦衣資離別親戚十年之後隴右空

虛陛下終不得高昌撮粟尺布以助中國所謂散有用



而資無用上不從以其地爲西昌州又改爲西州以交河城爲交河縣始昌城爲天山縣田山城爲柳中縣東鎮城爲蒲昌縣高昌城爲高昌縣併爲都護府留軍以鎮之初西突厥遣其葉護屯兵于可汗浮圖城與高昌爲影響至是懼而來降以其地爲庭州并置蒲類縣國威旣震西域大懼焉耆王詣軍門請謁留兵鎮守刻石紀功而還每歲調發千人防邊黃門侍郎褚遂良上疏曰臣聞古者哲后必先華夏而後夷狄務廣德化不事遐荒是以周宣薄伐至境而止始皇遠塞中國分離漢

武負文景之聚財翫土馬之餘力始通西域將三十年復得天馬于宛城采蒲桃於安息而海內空竭生人物故所以租及六畜算至舟車因之凶年盜賊並起搜粟都尉桑宏羊復希主意請遣士卒遠田輪臺築城以威西域武帝翻然追悔情發於衷棄輪臺之野下哀痛之詔人神咸悅海內乂康向使武帝復用桑宏羊之言天下生靈皆盡之矣是以光武中興不踰葱嶺孝章卽位都護來歸陛下誅滅高昌威加西域收其鯨鯢以爲州縣然則王師薄發之歲河西供役之年飛芻輓粟十室



唐會要 卷三  
九空數部蕭然五年不復陛下歲遣千餘人遠事屯戍  
經年離別萬室思歸去者資裝自須營辦旣費芻粟傾  
其機杼經途死亡復在其外兼遣罪人增其防遏彼罪  
人者生於販肆終朝墮業犯禁違公謂之浮薄徒能擾  
於邊城必無益於行陣所遣之內復有逃亡官司捕捉  
爲國生事設令張掖隄飛酒泉烽舉陛下豈能得高昌  
一人升粟而及事乎終須發隴右諸州星馳電擊由斯  
而言此河西者方已腹心彼高昌者他人手足豈得糜  
費中華以事無用書曰不作無益害有益此之謂也陛

下平頡利於沙塞滅吐渾於西海突厥餘衆爲立可汗  
吐渾遺氓更樹君長復立高昌非無前例此所謂有罪  
而誅之旣復而立之四海百蠻誰不聞見蠕動懷生畏  
威慕德宜擇高昌可立者而立之徵給首領兼還本國  
負戴漢恩長爲藩翰中國不擾旣富且寧傳之子孫以  
貽永世初平高昌君集至京師有司劾其私取寶物詔  
下獄中書侍郎岑文本上疏曰高昌昏迷人神共棄在  
朝議者以其地在遐荒咸欲置之度外惟陛下運獨見  
之明授決勝之略君集奉行聖算指期平殄陛下爲而



不宰乃推功於將帥露布初至便降大恩從征之人皆  
霑滌蕩內外文武咸欣陛下賞不踰時而不經旬日並  
付大理雖君集等自挂網羅恐海內疑陛下惟錄其過  
以遺其功古之人君出師命將克敵則獲重賞不克嚴  
刑是以當其有功也雖貪殘淫縱必蒙青紫之寵當其  
無功雖勤躬潔已不免鈇鉞之誅故周書日記人之功  
忘人之過宜爲君者也昔漢貳師損五萬之師糜億萬  
之費經四年之勞唯獲駿馬三十匹雖斬宛王之首而  
罪惡甚多武帝以爲萬里征伐不錄其過遂封海西侯

又校尉陳湯矯詔興師雖斬郅支單于而湯盜所收康  
居財物爲司隸所繫湯乃上疏曰臣與吏人共誅郅支  
幸得擒滅今司隸乃收繫按驗是爲郅支報讎也元帝  
赦其罪封湯關內侯又晉龍驤將軍王濬有平吳之功  
而王渾等論濬軍人得皓寶物濬上表曰今年平吳誠  
爲大慶於臣之身更爲咎累武帝赦而不推封襄陽侯  
近隋新義郡公韓擒虎平陳之日縱士卒暴亂取寶宮  
內帝亦不問罪加上柱國由斯觀之將帥之臣廉慎者  
少貪求者衆是以黃石軍勢曰使智使勇使貪使愚故



智者樂立其功勇者好行其志貪者邀趨其利愚者不計其死是知前聖莫不收人之長棄人之短良爲此也陛下若降雨露之澤收雷電之威錄其微勞忘其大過足使立功之士因茲而皆勸負罪之將由斯而改節乃釋君集等先是文泰已死國人立其男智盛爲王竟爲君集執獻於觀德殿初其國童謠曰高昌兵馬如霜雪漢家兵馬如日月日月照霜雪迴首自消滅文泰使人捕其首唱者不能得麴氏有國至智盛凡九代一百四十四年而滅尋拜智盛爲左武衛將軍封金城郡公弟智湛爲右武衛中郎將封天山縣公智湛後終於左驍衛將軍西州刺史天授初其子崇稅授左武衛大將軍交河郡王稅卒封襲遂絕

高句麗

高句麗者出自扶餘氏其後有朱蒙孫莫來因滅扶餘都平壤卽元菟之故地俗頗知書記恒西與中國通武德七年二月七日遣使內附受正朔請頒歷許之八年三月十一日高祖謂羣臣曰名實之間理須相副高麗稱臣於隋終拒煬帝何必令其稱臣以自尊大可



卽詔述朕此懷也裴矩溫彥博進曰遼東之地周爲箕子之國漢家元菟郡耳魏晉以前近在提封之內不可許以不臣若與高麗抗禮四夷必當輕漢且中國之於夷狄猶太陽之於列星理無降尊俯同藩服乃止

貞觀十八年二月太宗謂侍臣曰高麗莫離支賊殺其主盡誅大臣用刑有同坑穽夫出師弔伐須有其名因其殺虐下人取之爲易諫議大夫褚遂良進曰兵若渡遼事須剋捷萬一不獲無以威示遠方必更發怒再動兵衆若至於此安危難測太宗然之兵部尚書李勣曰

近者延陀犯邊陛下必欲追擊但爲魏徵之諫所以遂用其言此之失機亦由徵之誤計倘若仰申聖策延陀無一人生還可五十年間邊境無事至十一月十六日以刑部尚書張亮爲平壤道行軍大總管自萊州泛海趨平壤又以特進李勣爲遼東道行軍大總管趨遼東兩軍合勢以其月之三十日征遼之兵集於幽州

安州人彭

惠通請出布帛五千段以資征人上嘉之比漢之卜式拜宣義郎

十九年四月李勣攻拔蓋牟城獲口二萬以其城置蓋州五月上渡遼水詔撒橋梁以堅士卒之心上親率甲



騎與李勣攻遼東城拔之以其城爲州六月攻拔白巖城以其城爲巖州遂引軍次安市城進兵以攻之會高麗北部耨薩高延壽南部高惠真率靺鞨之衆十五萬來援於安市城東南八里依山爲陣上令所司張授降幕於朝堂之側曰明日午時納降虜於此上夜召文武躬自指麾是夜有流星墜賊營中明日及戰大破之延壽惠真率三萬六千八百人來降上以酋首三千五百人授以戎秩遷之內地餘三萬人悉放還平壤城收靺鞨三千三百人並坑之獲馬五萬匹牛五萬頭甲一萬

領因名所幸山爲駐蹕山命許敬宗爲文勒石以紀其迹遂移軍于安市城南久不尅九月遂班師先遣遼蓋二州戶口渡遼乃召兵馬厯于城下而旋城主昇城拜辭太宗嘉其堅守賜縑百疋以勵事君者十一月至幽州初入遼也將十萬人各有八馱兩軍戰馬四萬匹及還死者一千二百人八馱及戰死者十七八張亮水軍七萬人沉海溺死數百人凡徙遼蓋巖二州戶口入內地前後七萬餘人二十一年李勣復大破高麗於南蘇班師至頗利城渡白狼黃巖二水皆由膝已下勣怪二



水淺狹間契丹遼源所在云此二水更行數里卽合南流卽稱遼水更無遼源可得也二十二年七月太子太傅知門下省事房元齡謂諸子曰吾自度危篤以東討不停豈可使吾啣恨入地遂封表上諫曰臣詳觀方今爲中國患者無過突厥遂能坐運神策不下殿堂大小可汗相次束手分典禁衛執戟行間其後延陀鴟張尋就夷滅鐵勒慕義請置州縣沙漠已北萬里無塵如高昌叛渙於流沙吐渾首竄於積石偏師薄伐俱從平蕩高麗歷代逋誅莫能討擊陛下責其逆亂弑主虐人親

總六軍問罪遼碣未經旬日卽滅遼東前後虜獲數十萬計分配諸州無處不滿雪往代之宿恥掩嶠陵之枯骨比功較德萬倍前王此聖主之所自知微臣安敢備說今臣深爲陛下惜之重之愛之寶之周易曰知進退存亡而不失其正者其惟聖人乎由此言之進有退之義存是亡之幾得有喪之理老臣所以爲陛下惜之蓋謂此也陛下威名功德亦可足矣拓地開疆亦可止矣彼高麗者邊夷之賤類不足待以仁義不可責以常理古來以魚鼈畜之宜從闕略若必欲絕其種類恐獸窮



則搏陛下每決死囚必令三覆五奏進素食停音樂蓋  
以人命所重感動聖慈也況今兵士之徒無一罪戾無  
故驅之於戰陣之間委之於鋒刃之下使肝腦塗地魂  
魄無歸令其老父孤兒寡妻慈母望轉車而掩泣抱枯  
骨而椎心足以變動陰陽感傷和氣貫天下之冤痛也  
且兵凶器也戰危事也不得已而用之向使高麗違失  
臣節而陛下誅之可也使失百姓而陛下滅之可也久  
長能爲中國患而陛下除之可也有一於此雖日殺萬  
夫不足爲媿今無此三條坐煩中國內爲舊主雪怨外

爲新羅報讎豈非所存者小所損者大願陛下遵皇祖  
老子止足之誠保後代巍巍之名發沛然之恩降寬大  
之詔順陽春以布澤許高麗以自新臣老病三公朝夕  
入地所恨竟無塵露微增海嶽謹罄殘魂餘息先代結  
草之誠倘蒙錄此哀鳴卽臣死且不朽八月徐充容上  
表曰竊見頃年已來力役兼總東有遼海之軍西有岷  
邱之役士馬疲於甲冑舟車倦於轉輸且召募投戎去  
留懷生死之痛因風阻浪存沒漂溺之危一夫力耕  
卒無數十之獲一船致損則傾數萬之糧是猶運有盡



之農功填無窮之巨浪圖未獲之他衆喪尸成之我軍雖除兇伐暴國有常規然黷武玩兵先哲所戒昔秦王併吞六國反速危亡之期晉武奄有三方翻成覆敗之業是知地廣非久安之術人勞乃易亂之原願陛下布澤流仁矜弊恤乏減行役之煩增湛露之惠

龍朔元年四月十六日兵部尚書任雅相爲涇江道行軍大總管三十五軍水陸分途先觀高麗之釁上將親率六軍以繼之蔚州刺史李君球上疏曰臣聞司馬法曰國雖大好戰必亡天下雖平忘戰必危戰者危事兵

者凶器故聖主明王重行之也憂人力之盡恐府庫之殫懼社稷之危生中國之患故古人云務廣德者昌務廣地者亡昔秦始皇好戰不已至於失國是不愛其內而務其遠故也漢武遠討朔方迨乎萬里廣拓南海分爲八郡終于戶口減半國用空虛至于末年方垂哀痛之詔自悔其失彼高麗者僻側小醜潛藏山海之間得其人不足以彰聖化棄其地不足以損天威何至於疲中國之人傾府庫之實使男子不得耕耘女子不得蠶織陛下爲人父母不垂惻恤之心傾其有限之貲貪彼



無用之地設令高麗既滅卽不得不發兵鎮守少發則兵威不足多發卽人心不安是乃中國疲於轉戍萬姓無以聊生則天下敗矣天下既敗卽陛下何以自安故臣以爲征之不如不征滅之不如不滅惟陛下裁斷焉  
乾元三年李勣攻拔扶餘城遂與諸軍相會時侍御史賈言忠充支度遼東軍糧使還上問以軍事言忠畫其山川地勢且言遼東可平之狀上問曰卿何以知其可平也對曰昔隋主親率六軍覆於遼東者人事然也煬帝無道軍政嚴酷舉國皆役天下離心元感一倡狼狽

而返身死國亡自取之也及先帝親征問罪所以不得志者高麗未有釁也今高麗已失其政人心不附男生兄弟相爲攻擊脫身來奔爲我鄉導彼之情僞盡知之矣以國家富強陛下明聖將士盡心滅之必矣且臣聞高麗秘記云不及千年當有八十老將來滅之自前漢之高麗氏卽有國土及今九百年矣李勣年登八十亦與其記符同又高麗頻歲飢荒賣鬻男女無故地裂狼狐入城蚡鼠穴于國門之下夷俗信妖迭相驚駭天意如此人事如彼臣竊以爲是行不再舉矣上曰卿觀遼



東諸將孰賢對曰李勣先朝舊臣聖鑒所悉龐同善雖非鬪將而持軍嚴整薛仁貴勇冠三軍威名遠震高仇勤儉自處忠果有餘契苾何力沉毅持重統御之才雖頗有忌前之癖而臨事能斷然諸將夙夜小心忘身憂國者莫逮於李勣上深然其言

總章元年夏四月彗星見於五車許敬宗以爲星孛於東北王師問罪此高麗將滅之徵九月李勣拔平壤城虜高藏男建等十二月至新豐詔取便道俘於昭陵乃備軍容奏凱樂獻於太廟詔以高藏政不由已赦其罪

授司平太常伯男產授司宰少卿男建配流黔州分其地置都督府九州四十二縣一百又置安東都護府以統之移其戶二萬八千於內地

儀鳳中高宗授高藏遼東都督府封朝鮮王居安東領本蕃爲主高藏至安東潛與靺鞨相通謀叛事覺召還配流邛州以永淳初卒贈衛尉卿聖歷二年又授高藏男德武爲安東都督以領本蕃自是高句麗舊戶在安東者漸寡少分投突厥及靺鞨等其舊地盡入於新羅高氏君長遂絕



元和十三年四月其國進樂物兩部

百濟

百濟者本扶餘之別種當馬韓之故地其後有仇台者為高麗所破以百家濟海因號百濟焉大海之北小海之南東北至新羅西至越州南渡海至倭國北渡至高麗其王所居有東西兩城新置內官佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝廷佐平掌刑獄事兵官佐平掌在外兵馬事又外置六帶方管十郡其用法叛逆者死殺人者以奴

婢二人贖罪官人受財及盜者三倍追贓餘與高麗同武德四年其王扶餘璋遣使獻果下馬與新羅世為仇讎

貞觀十六年與高麗通和以絕新羅人朝之道太宗親征高麗百濟懷二數年之而朝貢遂絕至顯慶五年八月十三日左衛大將軍蘇定方討平之虜其王義慈及太子崇將校五十八人送于京師其國分為五部統郡三十七城二百戶七十六萬至是以其地置熊津馬韓東明金漣德安等五都督各統州縣立其酋長為都督



刺史縣令命左衛郎將王文度爲都統總兵以鎮之義慈事親以孝行聞友于兄弟時人號爲海東曾閔及至京數日病卒葬于孫皓陳叔寶墓側至麟德三年已後其地爲新羅靺鞨所分百濟之種遂絕

新羅

新羅者本弁韓之地其風俗衣服與高麗百濟略同而朝服尚白好祭山神國人多金朴兩姓異姓不爲婚姻重元日每其日拜日月鬼神人髮長美其先出高麗魏將毋邱儉之破高麗也其衆遁保沃沮後歸故國其留

者號新羅

永徽元年新羅王金真德大破百濟遣使金法敏來朝仍織錦作五言太平詩以獻帝嘉之拜法敏爲大府卿五年真德卒高宗爲舉哀於永光門使太常卿張文收持節弔祭之贈開府儀同三司仍賜綾綵二百段詔其子春秋嗣位

顯慶元年三月又破百濟兵遣使來告

龍朔元年春秋卒詔以其子法敏嗣位三年四月詔以新羅國置雞林州大都督府仍授法敏雞林大都督府



麟德二年八月法敏與熊津都督扶餘隆盟于百濟之熊津城其盟書藏于新羅之廟于是帶方州刺史劉仁軌領新羅百濟耽羅倭人四國使浮海西還以赴太山之下

上元元年二月新羅王金法敏既納高句麗叛亡之衆又封百濟故地遣兵守之帝大怒詔削法敏官爵遣宰臣劉仁軌討之仍以法敏弟右驍衛員外大將軍臨海郡公金仁問爲新羅王時仁問在京師詔令歸國以代其兄仁問行至中路聞新羅降仁問乃還二年二月雞

林道行軍大總管劉仁軌大破新羅之衆于七重城而還新羅于是遣使入朝伏罪并獻方物前後相屬帝復金法敏官爵既盡有百濟之地及高句麗南境東西約九百里南北約一千八百里於界內置上良康熊金武漢朔溟等州所輸物產爲諸蕃之最

開耀元年法敏卒遣使冊立其子政明爲王仍襲父官爵

長壽二年政明卒冊立其子理洪爲王三年遣使來朝其年理洪卒冊立其弟崇基爲王仍令襲兄輔國大將



軍左豹韜大將軍雞林州都督

神龍三年授驃騎大將軍

先天元年改名興光

開元十年頗遣使獻方物十二年興光遣使獻果下馬  
二匹牛黃人參頭髮朝霞納魚牙納紉鏤鷹鈴海豹皮  
金銀等仍上表陳謝至十二年遣其臣金武勳來賀正  
及武勳還降書賜之又使其弟金嗣宗來朝并貢方物  
至二十一年加興光寧海軍使其年命太僕卿員外置  
同正員金思蘭使於新羅思蘭本新羅之行人恭而有

禮因留宿衛及是委以出疆之任且便之也前年帝賜  
興光白鸚鵡雌雄各一及紫羅繡袍金銀鈿器物瑞文  
繡緋羅五色羅綵綾共三百餘段至是興光遣使從姪  
志廉奉表陳謝仍奏國內有芝草生畫圖而獻二十年  
又遣其大臣金端竭丹來賀正又遣姪志廉來獻方物  
授志廉鴻臚少卿員外置同正員賜絹百疋留宿衛二  
十三年十一月遣從弟大阿殽金忠相來朝死于路贈  
衛尉卿二十五年興光卒其子承慶嗣位遣使來告帝  
悼惜之又贈太子太保命贊善大夫邢璣攝鴻臚少卿



往其國行弔祭冊立之禮至二十八年冊承慶妻朴氏  
爲新羅王妃

天寶三載承慶卒命弟憲英嗣位仍襲開府儀同三司  
都督雞林州刺史兼持節寧海軍事是載四月遣使謝  
恩并獻方物十月遣使來賀正授左清道率府員外長  
史賜綠袍銀帶放還蕃自後頻來朝七載遣使獻金銀  
及六十總布魚牙納朝霞紬牛黃頭髮人參

寶應二年憲英遣使朝貢授其使校檢禮部尚書放還  
大歷二年憲英卒冊立其子乾運爲王三年二月命倉

部郎中歸崇敬兼御史中丞持節冊命又冊乾運母爲  
太妃七年遣使金標石來賀正授衛尉員外少卿放還  
八年遣使來朝并獻金銀牛黃魚牙納朝霞紬等方物  
建中四年乾運卒無子國人立其上相金良相爲王  
貞元元年授良相檢校太尉都督雞林州刺史寧海軍  
使新羅國王仍令戶部郎中蓋瓊持節冊命其年良相  
卒立上相金敬信爲王令襲其官爵良相之從兄弟也  
十四年敬信卒其子先敬信亡國人立敬信嫡孫權知  
國事俊邕爲王十六年授俊邕開府儀同三司檢校太



尉新羅王令司封郎中兼御史中丞韋丹持節冊命明年至鄆州聞俊邕卒其子重興立詔丹還

永貞元年詔遣兵部郎中元季方持節冊重興爲王元和元年十一月放宿衛新羅王子金忠獻歸本國仍加試秘書監三年遣使金力奇來朝其年七月力奇上言貞元十六年奉詔冊臣故主金俊邕爲新羅王母申氏爲太妃妻叔氏爲王妃冊使韋丹至中路知俊邕薨其冊却迴在中書省今臣還國伏請授臣以歸勅金俊邕等冊宜令鴻臚寺于中書省受領至寺宣授與金力

奇令賫歸國仍賜其叔彥昇門戟令本國准例給四年遣使金陸珍等來朝貢五年其王子金憲章來朝貢七年重興卒立其相金彥昇爲王遣使金昌南等告哀七月授彥昇開府儀同三司檢校太尉持節大都督雞林州諸軍事兼持節寧海軍使上柱國新羅王妻正氏冊爲妃仍賜太宰相金崇斌等三人戟亦令本國準給兼命職方員外郎攝御史中丞崔延持節弔祭冊立以其質子金士信副之十一年十一月其入朝王子金士信等遇惡風飄至楚州鹽城縣界淮南節度使李鄠以聞



是歲新羅飢其衆一百七十人求食於浙東十五年遣使朝貢  
長慶二年十二月遣使牟柱泐朝貢  
寶曆元年其王子金昕來朝兼充宿衛  
太和四年彥昇卒五年四月詔以新羅王金景徽爲開府儀同三司檢校太尉使持節大都督雞林州諸軍事兼充寧海軍使景徽母朴氏宜冊爲太妃妻朴氏冊爲妃太子左諭德兼御史中丞源寂持節弔祭冊立焉  
開成元年其王子金義琮來謝恩兼宿衛二年四月十一日放還蕃賜物有差五年四月鴻臚寺奏新羅國告哀其質子及年滿合歸國學生等共一百五人並放還會昌元年七月勅歸國新羅官前入新羅宣慰副使前充兗州都督府司馬賜緋魚袋金雲卿可淄州長史



Table with 12 columns and 10 rows of text, likely a list or index. The text is faint and partially obscured by a watermark.






